

T 7903/7621 (4)

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

SEP 30 1959

鍼灸甲乙經卷之八目錄

五藏傳病發寒熱 上下

經絡發病入腸胃五藏積發伏梁息賁肥氣疝
氣賁腫

五藏六府脹

水膚脹鼓脹腸覃石瘕

腎風發風水面附腫

哈佛大學哈佛燕京
圖書館珍藏印

鍼灸甲乙經卷之八

五藏傳病發寒熱第一上

黃帝問曰五藏相通移皆有次五藏有病則各傳其所勝不治法三月若六月若三日若六日傳五藏而當死素問下有順傳所勝之次故曰別於陽者知病從來別於陰者知死生之期言至其所困而死者也是故風者百病之長也今風寒客於人使人毫毛畢直皮膚閉而為熱當是之時可汗而發或痺不仁腫痛當是之時可湯熨及一本作足字火灸刺而去弗治病入舍於肺名曰肺痺發欬上氣 弗治肺即傳而行之肝病名曰肝痺一名曰厥脇痛出食當是之時可按可刺 弗治肝傳之脾病名曰脾風發痺腹中熱煩心汗出黃

癰素問無汗當此之時可汗可藥可烙一本弗治

脾傳之腎病名曰疝瘕少腹煩寃而痛汗出素問作

一名曰蠱當此之時可按可藥弗治腎傳之心病

筋脉相引而急名之曰瘕當此之時可灸可藥弗

治十日法當死腎傳之心心即復反傳而之肺發寒

熱法當三歲死此病之次也然其卒發者不必治其

傳化有不以次者憂恐悲喜怒令不得以其次故令

人大病矣因而喜大虛則腎氣乘矣怒則肝氣乘

矣悲則肺氣乘矣恐則脾氣乘矣憂則心氣乘矣此

其道也故病有五五五二十五變及其傳化傳乘之

名也

大骨枯槁大肉陷下胷中氣滿喘息不便其氣動形

其六月死真藏脉見乃予之期日大骨枯槁大肉

陷下胷中氣滿喘息不便内痛引肩項期一月死真

藏脉見乃予之期日大骨枯槁大肉陷下胷中氣

滿喘息不便内痛引肩項痛熱腕肉被痙真藏脉見

十月之内死大骨枯槁大肉陷下胷中氣滿腹内

痛心中不便肩項身熱脘破腕肉目眶陷真藏脉見

目不見人立死其見人者至其所不勝之時而死

急虛中身卒至五藏閉絕脉道不通氣不往來譬之

墮溺不可為期其脉絕不來若一息五六至其形肉

不脫真藏雖不見猶死

真肝脉至中外急如循刀刃責責然如按琴瑟弦色

青白不澤毛折乃死

真心脉至緊一本作堅而搏如循薏苡子累累然色赤黑不澤毛折乃死

真肺脉至大而虛如以毛羽中人膚色赤白不澤毛折乃死

真脾脉至弱而乍疎乍數色青黃不澤毛折乃死

真腎脉至搏而絕如指彈石辟辟然色黑黃不澤毛折乃死諸真藏脉見者皆死不治

曰寒熱瘰癧在於頸腋者何氣所生曰此皆鼠瘻寒熱之毒氣稽於脉而不去者也靈樞稽作隄字鼠瘻之本皆

在於藏其末上出頸腋之間其浮於胸中未著於肌肉而外為膿血者易去也 曰去之柰何曰請從其

本引其末可使衰去而絕其寒熱審按其道以予之

徐徃徐來以去之其小如麥者一刺知三刺已決其死生反其目視之其中有赤脉從上下貫瞳子者見

一脉一歲死見一脉半一歲半死見二脉二歲死見二脉半二歲半死見三脉三歲死赤脉不下貫瞳子

者可治

曰人有善病寒熱者何以候之曰小骨弱肉者善病

寒熱顴骨者骨之本也顴大則骨大顴小則骨小皮薄而肉弱無膈其臂懦懦然其地色焔然不與天地

同色汚然獨異此其候也然臂薄者其髓不滿故善病寒熱 風感則為寒熱 皮寒熱皮不可附席毛

髮焦鼻藁脂不得汗取三陽之絡補手太陽肌寒熱病肌痛毛髮焦唇槁脂不得汗取三陽於下以去其

血者補太陰以去其汗 骨寒骨熱痛無所安汗注
不休齒本藁痛取其少陰於陰股之絡齒色藁死不
治骨厥亦然 男子如蠱女子如阻身體腰脊如解
不欲食先取湧泉見血視跗上盛者盡出血 灸寒
熱之法先取項大椎以年爲壯數次灸擗骨以年爲
壯數視背俞陷者灸之舉臂肩上陷者灸之兩季脇
之間灸之外踝上絕骨之端灸之足小指次指之間
灸之臑上陷脉灸之外踝後灸之缺盆骨上切之堅
動如筋者灸之膺中陷骨間灸之掌束骨下灸之臍
下關元三寸灸之毛際動脉灸之臍下二寸分間灸
之足陽明跗上動脉灸之巔上一灸之取人所嚙處
灸之即以犬傷病法三炷灸之凡當灸二十九處

寒熱頭痛喘喝目不能視神庭主之 其目泣出頭
不痛者聽會主之 寒熱頭痛如破目痛如脫喘逆
煩滿嘔吐流汗難言頭維主之 寒熱刺腦戶

五藏傳病發寒熱第一下

寒熱取五處及天池風池腰俞長強大杼中膂內俞
上竅斷交上關關元天曠天容合谷陽谿關衝中渚
陽池消灤少澤前谷腕骨陽谷少海然谷至陰崑崙
主之 寒熱骨痛玉枕主之 寒熱懈癩一本淫灤作懶
脛痠四肢重痛少氣難言至陽主之 肺氣熱呼吸
不得臥上氣嘔沫喘氣相追逐胸滿脇膺急息難振
慄脉鼓氣膈胃中有熱支滿不嗜食汗不出腰脊痛
肺俞主之 寒熱心痛循循然與背相引而痛胃中

悒悒不得息咳唾血多涎煩中善饘食不下欬逆汗
 不出如瘧狀目眈眈淚出悲傷心俞主之 欬而嘔
 鬲寒食不下寒熱皮肉膚痛少氣不得臥胃滿支兩
 脇鬲上兢兢脇痛腹膜胃腕暴痛上氣肩背寒痛汗
 不出喉痺腹中痛積聚默然嗜卧怠惰不欲動身常
 濕濕心痛無可搖者脾俞主之 欬而脇滿急不得
 息不得反側腋脇下與臍相引筋急而痛反折目上
 視眩日中循循然肩項痛驚狂衄少腹滿目眈眈生
 白翳欬引胃痛筋寒熱唾血短氣鼻酸肝俞主之
 寒熱食多身羸瘦兩脇引痛心下賁痛心如懸下引
 臍少腹急痛熱面急一本作黑目眈眈久喘欬少氣溺濁
 赤腎俞主之 骨寒熱澁難腎俞主之 寒熱頭痛

水溝主之 寒熱頸瘰癧大迎主之 肩痛引項寒

熱缺盆主之 身熱汗不出胸中熱滿天竅主之

寒熱肩腫引胛中痛肩臂酸臑俞主之 寒熱項瘰

適耳無聞引缺盆肩中熱痛麻痺不舉一本作手肩

貞主之 寒熱瘰目不明欬上氣唾血肩中俞主之

寒熱瘰適胸中滿有大氣缺盆中滿痛者死外瀆

不死肩引項不舉缺盆中痛汗不出喉痺欬嗽血缺

盆主之 欬上氣喘暴瘖不能言及舌下挾縫青脉

頸有大氣喉痺咽中乾急不得息喉中鳴翁翁寒熱

項腫肩痛胃滿腹皮熱衄氣短哽心痛隱疹頭痛面

皮赤熱身肉盡不仁天突主之 肺系急胸中痛惡

寒胸滿悒悒然善嘔臍胃中熱喘逆氣氣相追逐多

濁唾不得息肩背風汗出面腹腫鬲中食饘不下食
 喉痺肩息肺脹皮膚骨痛寒熱煩滿中府主之 寒
 熱胸滿頭痛四肢不舉掖下腫上氣胃中有聲喉中
 鳴天池主之 欬脇下積聚喘逆臥不安席時寒熱
 期門主之 寒熱腹脹臍怏怏然不得息京門主之
 寒濯濯舌煩手臂不仁唾沫唇乾引飲手腕攣指
 肢痛肺脹上氣耳中生風欬喘逆痺臂痛嘔吐飲食
 不下膨膨然少商主之 唾血時寒時熱寫魚際補
 尺澤 臂厥肩膺胃滿痛目中白翳眼青轉筋掌中
 熱乍寒乍熱缺盆中相引痛數欬喘不得息臂肉廉
 痛上鬲飲已煩滿大淵主之 寒熱胃背急喉痺欬
 上氣喘掌中熱數欠伸汗出善忘四逆厥善笑溺白

列缺主之 胃中彭彭然甚則交兩手而脊暴痺喘
 逆刺經渠及天府此謂之大俞 寒熱欬嘔沫掌中
 熱虛則肩臂寒慄少氣不足以息寒厥交兩手而脊
 口沫出實則肩背熱痛汗出四肢暴腫身濕一本本濕
 時寒熱饑則煩飽則善面色變口噤不開惡風泣出
 列缺主之 煩心欬寒熱善噦勞宮主之 寒熱唇
 口乾喘息目急痛善驚三間主之 胃中滿耳前痛
 齒痛目赤痛頸腫寒熱渴飲輒汗出不飲則皮乾熱
 曲池主之 寒熱頸癭適欬呼吸難炎五里左取右
 右取左 寒熱頸癭適肩臂不可舉臂臑俞主之
 風寒熱腋門主之 寒熱頸領腫後谿主之 寒熱
 善嘔商丘主之 嘔厥寒時有微熱脇下支滿喉痛

嗑乾膝外廉痛深灤脛痠腋下腫馬刀瘦肩腫吻傷
痛太衝主之 心如懸汗金作陰厥脚膈後廉急不

可前却血癰腸澀便膿血足跗上痛舌卷不能言善

笑足痿不收履溺青赤白黃黑青取井赤取榮黃取

輸白取經黑取合 血痔泄汗金下後重腹痛如癰

狀狂什必有所扶持及大氣涎出鼻孔中痛腹中常

鳴骨寒熱無所安汗出不休復溜主之 男子如蠱

女子如阻寒熱少腹偏腫陰谷主之 少腹痛泄出

糜次指間熱若脉陷寒熱身痛唇渴不乾汗出毛髮

焦脫肉少氣内有熱不欲動搖泄膿血腰引少腹痛

暴驚狂言非常巨虛下廉主之 胃中滿腋下腫馬

刀瘦善自齧舌頰天牖中腫淫灤脛痠頭眩枕骨頰

腮腫目澁身痺洒淅振寒季脇支滿寒熱脇腰腹膝

外廉痛臨泣主之 寒熱頸腫丘墟主之 寒熱頸

腋下腫申脉主之 寒熱痲痲四肢不舉腋下腫馬

刀瘦喉痺髀膝頸骨搖酸痺不仁陽輔主之 寒熱

痺頸不收陽交主之 寒熱腰痛如折束骨主之

寒熱目眩眩善欬喘逆通谷主之 寒熱善唏頭重

足寒不欲食脚攣京骨主之 寒熱篡反出承山主

之 寒熱篡後出瘦癰脚膈痠重戰慄不能久立脚

急腫跗痛筋足攣少腹引喉嗑大便難承筋主之

跟厥膝急腰脊痛引腹箕陰股熱陰暴痛寒熱膝痠

重合陽主之 經絡受病入腸胃五藏積發伏梁息賁肥氣痞

日乙經

氣奔腫第二

黃帝問曰百病始生三部之氣所傷各異願聞其會岐伯對曰喜怒不節則傷於藏藏傷則病起於陰清濕襲虛則病起於下風雨襲虛則病起於上是謂三部至其淫泆不可勝數風雨寒熱不得虛邪不能獨傷人卒然逢疾風暴雨而不病者蓋無虛邪不能獨傷此必因虛邪之風與其身形兩虛相搏乃容其形兩實相逢中人肉間其中於虛邪也因其天時與其躬身參以虛實大病乃成氣有定舍因處爲名上下內外分爲三真是故虛邪之中人也始於皮膚皮膚緩則腠理開腠理開則邪從毛髮入毛髮入則稍深稍深則毛髮立洒然皮膚痛留而不去則傳舍於絡

在絡之時通於肌肉其病時痛時息大經乃代留而不去傳舍於經在經之時洒淅善驚留而不去傳舍於俞在俞之時六經不通四節即痛腰脊乃強留而不去伏舍於伏衝之脉在伏衝之脉時身體重痛留而不去傳舍於腸胃在腸胃之時音嚮腹脹多寒則腸鳴飧泄不化多熱則漉出糜留而不去傳舍於湯胃之外募原之間留著於脉稽留而不去息而成積或著孫絡或著脉絡或著經脉或著俞脉或著於伏衝之脉或著於督筋或著於陽胃之募原上連於緩筋邪氣淫泆不可勝論其著孫絡之脉而成積往來上下擘音拍破乎素作孫絡之居也浮而緩不能拘積而止之故往來移行腸胃之外湊滲注灌濯濯有

作腸胃之積寒溫不次邪氣乃一本止其畜積止大聚乃起

曰病有身體腰股胛背皆腫環臍而痛是謂何病曰名曰伏梁此風根也不可動動之為水溺瀦之病

病有少腹盛左右上下皆有根者名曰伏梁也暴大膿血居腸胃之外不可治之每切按之至死此下則

因陰必下膿血上則迫胃脘生鬲俠一本胃脘內癰此又病也難治居臍上為逆居臍下為順勿動亟奪

其氣溢素問作泄於大腸而著於胃胃之原在臍下故環臍而痛也

難經曰心之積名曰伏梁起於臍上上至心下大如臂久久不愈病煩心心痛以秋庚辛日得之腎病傳

心心當傳肺肺以秋王不受邪因留結為積

難經曰肺之積名曰息賁左右脇下覆大如杯久久不愈病洒洒惡寒氣逆喘欬發肺癰以春甲乙日得

之心病傳肺肺當傳肝肝以春王不受邪因留結為積

曰病脇下滿氣逆行三二歲不已是為何病曰病名息賁此不妨於食不可灸刺積為導引服藥藥不能

獨治也

難經曰肝之積名曰肥氣在左脇下如覆杯有頭足

如龜鱉狀久久不愈發欬逆瘖瘧連歲月不已以季夏戊巳日得之肺病傳肝肝當傳脾脾以季夏王不

受邪因留結為積此與息賁略同

甲乙經 卷之六
難經曰脾之積名曰痞氣在胃脘覆大如盤久久不愈病四肢不收發黃疸飲食不為肌膚以冬壬癸日得之肝病傳脾脾當傳腎腎以冬主不受邪因留結為積

難經曰腎之積名曰贛腫發於腹上至心下若豚狀或上或下無時久不已令人喘逆骨疼少氣以夏丙丁日得之肺病傳腎腎當傳心心以夏旺不受邪因留結為積也

息贛時唾血巨闕主之 腹中積上下行懸樞主之
疝積胃中痛不得窮屈天容主之 暴心腹痛疝橫發上衝心雲門主之 心下大堅盲俞期門及中脘主之 臍下疝繞臍痛衝胃不得息中極主之

贛腫上腹臏堅痛引陰中不得小便兩丸騫陰交主之 臍下疝繞臍痛石門主之 奔肭氣上腹臏痛強不能言莖腫先引腰後引小腹腰臏堅痛下引陰中不得小便兩丸騫石門主之 奔肭寒氣入小腹時欲嘔傷中溺血小便數背臍痛引陰腹中窘急欲湊後泄不止關元主之 奔肭上搶心甚則不得息忽忽少氣尸厥心煩痛饑不能食善寒中腹脹引臏而痛小腹與脊相控暴痛時窘之後中極主之 腹中積聚時切痛商曲主之 臍下積疝瘕胞中有血四滿主之 臍疝繞臍而痛時上衝心天樞主之 氣疝噦嘔面腫奔肭天樞主之 奔肭卵上入痛引莖歸來主之 奔肭上下期門主之 疝瘕髀中急

痛循脇上下捨心腹痛積聚府舍主之 奔豚腹脹
腫章門主之 少腹積聚勞宮主之 環臍痛陰騫
兩丸縮堅痛不得臥太衝主之 寒疝下至腹膝膝
腰痛如清水大腹一作小腹諸疝按之至膝上伏菟主之
寒疝痛腹脹滿痿厥少氣陰市主之 大疝腹堅
丘墟主之

五臟六府脹第三

黃帝問曰脉之應於寸口如何而脹岐伯對曰其至
大堅直以濇者脹也 曰何以知其藏府之脹也曰
陰為藏而陽為府也 曰夫氣之令人脹也在於血
脉之中耶抑藏府之內乎曰二者皆在焉然非脹之
舍也 曰願聞脹舍曰夫脹者皆在於府藏之外排

藏府而廓胃脇脹皮膚故命曰脹 曰藏府之在內
也若匣匱之藏禁器也各有次舍異名而同處一域
之中其氣各異願聞其故曰夫胃腹者藏府之城廓
臙中者心主之中宮也胃者太倉也咽喉少腹者傳
道也胃之五竅者閭里之門戶也廉泉玉英者津液
之道路也故五藏六府各有畔界其病各有形狀管
氣循脉衛氣逆為脉脹衛氣並血脉循分肉為膚脹
靈樞經作營氣循脈為脈脹
衛氣循分肉為膚脹取三里寫之近者一下
一作分遠者三下無間虛實工在疾寫也 曰願聞脹

形曰心脹者煩心短氣臥不得安肺脹者虛滿而喘
欬肝脹者脇下滿而痛引少腹脾脹者苦噦四肢悶
體重不能衣腎脹者腹滿引背怏怏然腰髀痛胃脹

者腹滿胃脘痛鼻聞焦臭妨於食大便難大腸脹者
 腸鳴而痛濯濯冬日重感於寒則泄食不化小腸脹
 者小腹脹臑引腰而痛膀胱脹者小腹滿而氣癢三
 焦脹者氣滿於皮膚中殼殼然而不堅臍脹者脇下
 痛脹口苦好太息凡此諸脹其道在一明知逆順鍼
 數不失寫虛補實神去其室致邪失正真不可定粗
 工所敗謂之天命補虛寫實神歸其室又塞其空謂
 之良工 曰脹者焉生何因而有名曰衛氣之在身
 也常並脉循分肉行有逆順陰陽相隨乃得天和五
 藏皆治四時皆敘五穀乃化然而厥氣在下營衛留
 止寒氣逆上真邪相攻兩氣相薄乃舍為脹 曰何
 以解惑曰合之於真三合而得 曰無問虛實正在

疾寫近者一下遠者三下合者三而不下其過焉在

曰此言陷於肉盲而中氣穴者也不中氣穴而氣內
 閉藏不陷盲則氣不行上越中肉則衛氣相亂陰陽
 相逆其於脹也當寫而不寫故氣不下必更其道氣
 下乃止不下復起可以萬全惡有殆者乎其於脹也
 必審其診當寫則寫當補則補如鼓之應桴惡有不
 下者乎

心脹者心俞主之亦取列缺 肺脹者肺俞主之亦

取太淵 肝脹者肝俞主之亦取太衝 脾脹者脾

俞主之亦取太白 腎脹者腎俞主之亦取太谿

胃脹者中脘主之亦取章門 大腸脹者天樞主之

小腸脹者中窞主之 膀胱脹者曲骨主之 三

焦脹者石門主之 膽脹者陽陵泉主之 五藏六府之脹皆取三里三里者股之要穴也

水膚脹鼓脹腸覃石痕第四

黃帝問曰水與膚脹鼓脹腸覃石痕何以別之岐伯對曰水之始起也目窠上微腫如新卧起之狀頸脉動時欬陰股間寒足脛腫腹乃大其水已成也以手按其腹隨手而起如裹水之狀此其候也 膚脹者寒氣客於皮膚之間殼殼然不堅腹大身盡腫皮膚厚按其腹腹陷而不起腹色不變此其候也 鼓脹者腹身皆腫大如膚脹等其色蒼黃腹筋一本起此其候也 腸覃者寒氣客於腸外與衛氣相搏正氣不得營因有所繫痕而內著惡氣乃起息肉乃生其

始生也大如雞卵稍以益大至其成也如懷子狀久者離歲月按之則堅推之則移月事時下此其候也 石痕者生於胞中寒氣客於子門子門閉塞氣不通惡血當寫不寫血瘀乃留止日以益大狀如懷子月事不以時下皆生於女子可導而下之 曰膚脹鼓脹可刺耶曰先刺其腹之血絡後調其經亦刺去其血脉 曰有病心腹滿且食則不能暮食此爲何病曰此名爲鼓脹治之以雞矢醴一劑知二劑已 曰其時有復發者何也曰此食飲不節故時有病也 雖然其病且已因當風氣聚於腹也 風水膚脹爲五十九刺靈樞作五十七刺取皮膚之血者盡取之徒水先取環谷下三寸以排鍼刺之而藏之引

而內之入而復出以盡其水必堅束之束緩則煩悶
束急則安靜間日一刺之水盡乃止飲則閉藥方刺
之時徒飲之方飲無食方食無飲無食他食百三十
五日 水腫人中盡滿唇反者死水溝主之 水腫
大臍平灸臍中無理不治 水腫水氣行皮中陰交
主之 水腫腹大水脹水氣行皮中石門主之 石
水痛引脇下張頭眩痛身盡熱關元主之 振寒大
腹石水四滿主之 石水刺氣衝 石水章門及然
谷主之 石水天泉主之 腹中氣盛腹脹逆千金
作水不得臥陰陵泉主之 水中留飲胃脇支滿刺陷
谷出血立已 水腫脹皮腫三里主之 胞中有大
疝瘕積聚與陰相引而痛苦涌泄上下出滿尺澤太
手陽明寸口皆補之

腎風發風水面腫第五

黃帝問曰少陰何以主腎腎何以主水岐伯對曰腎
者至陰也至陰者盛水也肺者太陰也少陰者冬脉
也其本在腎其末在肺皆積水也 曰腎何以聚水
而生病曰腎者胃之關也關門不利故聚水而從其
類上下溢於皮膚故為臍腫臍腫者聚水而生病也
曰諸水皆主於腎乎曰腎者牝藏也地氣上者屬
於腎而生水液故曰至陰勇而勞甚則腎汗出腎汗
出逢於風內不得入於府藏外不得越於皮膚容於
玄府行於皮裏傳為臍腫本之於腎名曰風水 曰
有病腎風者面臍癢然腫素問無壅害於言可刺否

曰虛不當刺不當刺而刺後五日其氣必至 曰其
 至何如曰至必少氣時從背脊上至頭汗出手熱口
 乾苦渴小便黃目下腫腹中鳴身重難行月事不來
 煩而不能食食不能正偃正偃則欬甚病名曰風水
 曰願聞其說曰邪之所湊其氣必虛陰虛者陽必
 湊之故少氣時熱而汗出小便黃小便黃者少腹氣
 熱也不能正偃者胃中不和也正偃則欬甚上迫肺
 也諸有水氣者微腫見於目下 曰何以言之曰水
 者陰也目下亦陰也腹者至陰之所居故水在腹者
 目下腫真氣上逆故口苦舌乾臥不得正偃則
 清水也諸水病者皆不得臥臥則驚驚則欬甚
 中鳴者脾本於胃也脾則煩不能食食不下

者胃脘膈也身重難以行者胃脉在足也月事不來
 者胞脉閉也胞脉者屬心而絡於胞中今氣上迫肺
 心氣不得下通故月事不來也 曰有病瘧然如水
 氣狀切其脉大緊身無痛者形不瘦不能食食少名
 為何曰病主素問在腎名曰腎風腎風而不能食善
 驚不已素無不字心氣痿者死
 風水膝腫巨虛上廉主之 而肘腫上星主之先取
 諶譚後取天牖風池主之 風水面肘腫衝陽主之
腫一作浮 風水面肘腫頰黑解谿主之

足厥陰脉動喜怒不時發癩疝遺溺癰
足太陽脉動發下部痔脫肛

鍼灸甲乙經卷之九

大寒內薄骨髓陽逆發頭痛第一

頰項痛附

黃帝問曰病頭痛數歲不已此何病也岐伯對曰當有所犯大寒內至骨髓骨髓者以腦為主腦逆故令頭痛齒亦痛

陽逆頭痛胃滿不得息取人迎 厥頭痛面若腫起

而煩心取足陽明太陽一作陰 厥頭痛脉痛心悲喜

泣視頭動脉反盛者乃刺之盡去血後調足厥陰

厥頭痛噫九壻作意善忘按之不得取頭而左右動脉後

取足太陽一作陰 厥頭痛員員而痛靈樞作貞貞頭重寫頭

上五行行五先取手少陰後取足少陰 頭痛項先

痛腰脊為應先取天柱後取足太陽 厥頭痛痛甚

耳前後脉骨本湧熱先寫其血後取足太陽少陰本

亦作厥頭痛甚耳前後脉涌有血寫其血後取

足少陽真頭痛甚腦盡痛手足寒至節死不治

頭痛不可取於俞有所擊墜惡血在內若內傷痛

痛未已可即刺之不可遠取頭痛不可刺者大痺

為惡風日作者可令少愈不可已頭痛寒痛先取手

少陽陽明後取足少陽陽明頷痛刺手陽明與頷

之盛脉出血頭項不可俛仰刺足太陽不可顧刺

手太陽陽明云手頷痛刺足陽明曲周動脉見血立

已不已按經刺人迎立已頭痛目窓及天衝風池

主之厥頭痛孔最主之厥頭痛面腫起商丘主

寒氣客於五藏六府發卒心痛胃痺心痛

三虫第二

厥心痛與背相引善瘳如從後觸其心身偃僕者腎

心痛也先取京骨崑崙發鍼立已不已取然谷厥

心痛暴泄腹脹滿心痛尤甚者胃心痛也取大都太

白厥心痛如錐刺其心心痛甚者脾心痛也取後

谷太谿厥心痛色蒼蒼如死狀終日不得太息者

肝心痛也取行間太衝厥心痛臥若徒居心痛乃

間動行痛益甚色不變者肺心痛也取魚際太淵

真心痛手足青至節心痛甚且發夕死夕發且死

心下一本作痛不可刺者中有盛聚不可取于俞腸中有

虫瘕有蛭蛟不可取以小鍼心腹痛發作腫聚往

甲乙經
來上下行痛有休止腹中熱渴澁者音是蝮蛟也以
手聚按而堅持之無令得移以大鍼刺之久持之虫
不動乃出鍼心痛引腰脊欲嘔刺足少陰心痛
腹脹漚漚然大便不利取足太陰心痛引背不得
息刺足少陰不已取手少陰心痛引少腹滿上下
無常處漚便難刺足厥陰心痛但短氣不足以息
刺手太陰心腹中卒痛而汗出石門主之心痛
有三虫多澁不得反側上腕主之心痛有寒難以
俛仰心疝氣衝胃死不知人中腕主之心痛上搶
心不欲食支痛引鬲建里主之胃脇背相引痛心
下溷溷嘔吐多唾飲食不下幽門主之脾逆氣寒
厥急煩心善唾噦噫胃滿激呼胃氣上逆心痛太洲

主之千金作肺心膨膨痛千金云少氣不足以息

尺澤主之心痛俠自主之卒心中痛瘰癧互相

引肘內廉痛心敖敖然間使主之心痛鋸噦嘔血

驚恐畏人神氣不足郄門主之心痛卒欬逆尺澤

主之出血則已卒心痛汗出大敦主之出血立已

胃痺引背時寒間使主之胃痺心痛肩肉麻木

天井主之胃痺心痛不得息痛無常處臨泣主之

千金云不得反側心疝暴痛取足太陰厥陰盡刺之血絡

喉痺舌卷口乾煩心心痛臂表痛靈樞及太素俱

不可及頭取關衝在手小指次指爪甲去端如韭葉

許一云左取右右取左

邪在肺五藏六府受病發欬逆上氣第三

邪在肺則病皮膚痛發寒熱上氣喘汗出欬動肩背
救之膺中外俞背三椎之傍以手疾按之快然乃刺
之取缺盆中以越之

黃帝問曰肺之令人欬何也岐伯對曰五藏六府皆
令人欬非獨肺也皮毛者肺之合也皮毛先受邪氣
邪氣以從其合其寒飲食入胃從肺脉上至於肺氣
則肺寒肺寒則内外合邪因而客之則為肺欬五藏
各以其時受病非其時各傳以與之人與天地參故
五藏各以治時感於寒則受病也微則為欬甚則為
泄為痛乘秋則肺先受邪乘春則肝先受之乘夏則
心先受之乘至陰則脾先受之乘冬則腎先受之
肺欬之狀欬而喘息有音甚則唾血 心欬之狀欬

則心痛喉中喝喝

素問作
吟吟

如梗狀甚則咽腫喉痺

肝欬之狀欬則肱

素問作
兩脇下

痛甚不可以轉轉作兩脇

素問作
肱下滿

脾欬之狀欬則右肱

素問作
脇

下痛陰陰引

肩背甚則欬涎不可以動動則欬劇

腎欬之狀欬

則腰背相引而痛甚則欬延

五藏久欬乃移於六

府脾欬不已則胃受之胃欬之狀欬而嘔嘔甚則長

虫出 肝欬不已則膽受之膽欬之狀欬嘔膽汁

肺欬不已則大腸受之大腸欬之狀欬而遺矢 心

欬不已則小腸受之小腸欬之狀欬而失氣氣與欬

俱失 腎欬不已則膀胱受之膀胱欬之狀欬遺尿

素問
作溺

久欬不已則三焦受之三焦欬之狀欬而腹

滿不欲飲食此皆聚於胃關於肺使人多涕唾而面

浮腫氣逆 治藏者治其俞治府者治其合浮腫者
治其經 秋傷於濕冬生欬咳

曰九卷言振埃刺外經而去陽病願卒聞之曰陽氣

大逆上滿於胸中憤臆肩息大氣逆上喘喝坐伏病

咽噎不得息取之天容其欬上氣窮訕胃痛者取之

廉泉取之天容者深無一里疑誤取廉泉者血變乃

止 欬逆上氣魄戶及氣舍主之 欬逆上氣噫噎

主之 欬逆上氣咽喉鳴喝喘息扶突主之 欬逆

上氣唾沫天容及衍間主之 欬逆上氣咽喉癰腫

呼吸短氣喘息不通木突主之一本作天突 欬逆上氣

喘不能言華蓋主之 欬逆上氣唾喘短氣不得息

口不能言臆中主之 欬逆上氣喘不得息嘔吐胃

不得飲食俞府主之 欬逆上氣漾出多唾呼吸

孝坐臥不安或中主之 胃滿欬逆喘不得嘔吐煩

滿不得飲食神藏主之 胃脇痞滿欬逆上氣呼吸

多喘濁沫膿血廬房主之 咳喘不得坐不得臥呼

吸氣素咽不得胃中熱雲門主之 胃脇痞滿不得

俛仰癢癰欬逆上氣咽喉喝有聲太谿主之 欬逆

不止三焦有水氣不能食維道主之 欬逆煩悶不

得臥胃中滿喘不得息背痛太淵主之 欬逆上氣

舌乾脇痛心煩肩寒少氣不足以息腹脹喘尺澤主

之 欬乾嘔滿俠白主之 欬上氣喘不得息暴痺

內逆肝肺相傳鼻口出血身脹逆息不得臥天府主

之 淒淒寒嗽吐血逆氣驚心痛手陰郄主之 欬

而胃滿前谷主之 欬面赤熱支溝主之 欬喉中
鳴欬唾血大鍾主之

肝受病及衛氣留積發胃脇滿痛第四

邪在肝則病兩脇中痛寒中惡血在內筋節時腫善
瘕取行間以引脇下補三里以溫胃中取血脈以散
惡血取耳間青脈以去其瘕

黃帝問曰衛氣留於脈太素中積不行苑蘊不得

常所靈樞下有積脇中滿喘呼逆息者何以去之伯

高對曰其氣積於胃中者上取之積於腹中者下取
之上下皆滿者傍取之積於上者寫人迎天突喉中
積於下者寫三里與氣街上下皆滿者上下皆下之
與季脇之下深一寸重者雞足取之 診視其脈大

而強急及絕不至者腹皮絞甚者不可刺也 氣逆

上刺膺中陷者與脇下動脈 胃滿嘔無所出口苦

舌乾飲食不下膽俞主之 胃滿呼吸喝窮訥窘不

得息刺入人迎入四分不幸殺人 胃滿痛璇璣主

之 胃脇楮滿痛引胃中華蓋主之 胃脇楮滿痺

痛骨疼飲食不下嘔千金作咳逆氣上煩心紫宮主之

胃中滿不得息脇痛骨疼喘逆上氣嘔吐煩心玉堂

主之 胃脇楮滿昂塞飲食不下嘔吐食復出中庭

主之 胃中楮滿痛引膺不得息悶亂煩滿不得飲

食靈墟主之 胃脇楮滿不得息欬逆乳癰洒浙惡

寒神封主之 胃脇楮滿不通呼吸少氣喘息

不得舉臂步郎主之 胃脇楮滿喘滿上氣呼吸肩

息不知食味氣尸主之 喉痺胃中暴逆先取衝脉
 後取三里雲門皆寫之 胃脇痞滿却引背痛臥不
 得轉側胃鄉主之 傷憂悵思氣積中腕主之 胃
 滿馬刀臂不得舉淵腋主之 大氣不得息息即胃
 脇中痛實則其身盡寒虛則百節盡縱大包主之
 胃中暴滿不得眠一云不輒筋主之 胃脇痞滿瘕
 瘕引臍腹痛短氣煩滿巨闕主之 腹中積氣結痛
 梁門主之 傷食脇下滿不能轉展反側目青而嘔
 期門主之 胃脇痞滿勞宮主之 多臥善唾胃滿
 腸鳴三間主之 胃滿不得息頭額腫陽谷主之
 胃脇張腸鳴切痛一云胃脇支太白血之
 脇痞滿足寒大便難面唇白時嘔之

言饑陽氣不足陰氣有餘則寒中腸鳴腹痛陰陽
 有餘若俱不足則有寒有熱皆調其三里 飲食不
 下鬲塞不通邪在胃腕在上腕則抑而下之在下腕
 則散而去之 胃病者腹臏脹胃腕當心而痛上痞
 兩脇鬲咽不通食飲不下取三里 腹中雷一本作常鳴
 氣常衝胃喘不能久立邪在大腸也刺盲之原巨虛
 上廉三里 腹中不便取三里盛則寫之虛則補之
 大腸病者腸中切痛而鳴濯濯冬日重感於寒當
 臍而痛不能久立與胃同候取巨虛上廉 腹滿大
 便不利腹大上走胸噎靈樞下有喘息二字喝喝然取足少陽
 腹滿食不化嚮嚮然不得大便取足太陽 腹痛
 刺臍左右動脉已刺按之立已不已刺氣街按之立

已 腹暴痛滿按之不下取太陽經絡血者則已又
刺少陰一本作陽俞去脊椎三寸傍五用員利鍼刺已如
食頃久立已必視其經之過於陽者數刺之 腹滿

不能食刺脊中 腹中氣脹引脊痛食飲而身羸瘦
名曰食飭先取脾俞後取季脇 大腸轉氣按之如

覆杯熱引胃痛脾氣寒四肢不嗜食脾俞主之 胃
中寒脹食多身體羸瘦腹中滿而鳴腹臘風厥胃脇

楮滿嘔吐脊急痛筋攣食不下胃俞主之 頭痛食
不下腸鳴臘脹欲嘔時泄三焦俞主之 腹滿臘脹

大便泄意舍主之 臘脹水腫食飲不下多寒千金
寒 胃倉主之 寒中傷飽食飲不化五藏臘滿脹心

腹胃脇楮滿脹則生百病上脘主之 腹脹不通寒
中傷飽食飲不化中脘主之 食飲不化入腹還出

下脘主之 腸中常鳴時上衝心炎臘中 心滿氣
逆陰都主之 大腸寒中千金大便乾腹中切痛盲

俞主之 腹中盡痛外陵主之 腸鳴相逐不可傾
倒承滿主之 腹脹善滿積氣關門主之 食飲不

下腹中雷鳴大門不節小便赤黃陽綱主之 腹脹
腸鳴氣上衝胃

又立腹中痛濯濯冬日重感於
寒則泄當臘而痛 胃間遊氣切痛食不化不嗜食

身腫一本作重俠臘急天樞主之 腹中有大熱不安腹
有大氣如相俠暴腹脹滿癢淫灤氣衝主之 腹滿

痛不得息正臥屈一膝伸一腿並刺氣衝鍼上入三
寸氣至寫之 寒氣腹滿癢淫灤身熱腹中積聚疼

痛衝門主之 腹中腸鳴盈盈然食不化脇痛不得

臥煩熱中不嗜食胃脇痞滿喘息而衝鬲嘔心痛及

傷飽身黃疾骨羸瘦章門主之 腸鳴而痛温留主

之 腸腹時寒腰痛不得臥手三里主之 腹中有

寒氣隱白主之 腹滿嚮嚮然不便心下有寒痛商

丘主之 腹中熱若寒腹善鳴強欠時內痛心悲氣

逆腹滿漏谷主之已刺外踝上氣不止腹脹而氣快

然引肘脇下皆主之 腹中氣脹嗑嗑不嗜食脇下

滿陰陵泉主之 喘少氣不足以息腹滿大便難時

上走胃中鳴脹滿口舌中吸吸善驚咽中痛不可內

食善怒恐不樂太鍾主之 嗑乾腹痠痛坐臥口

疏善怒多言復留主之 寒腹脹滿厲兌主之

大不嗜食衝陽主之 厥氣上楮太谿主之 大腸

有熱腸鳴腹滿俠臍痛食不化喘不能久立巨虛上

廉主之 腸中寒脹滿善噫聞食臭胃氣不足腸鳴

腹痛泄食不化心下脹三里主之 腹滿胃中有熱

不嗜食懸鍾主之 大腸實則腰背痛痺寒轉筋頭

眩痛虛則鼻衄癩疾腰痛澱澱然汗出令人欲食而

走承筋主之取脚下三折橫視盛者出血

腎小腸受病發腹脹腰痛引背少腹控臑

第八

邪在腎則病骨痛陰痺陰痺者按之而不得腹脹腰

痛大便難肩背頸項強痛時眩取之湧泉崑崙視有

血者盡取之 少腹控臑引腰脊上衝心肺邪在小

腸也小腸者連臍系屬於脊貫肝肺絡心系氣盛則厥逆上衝腸胃燻肝肺散於胃結於臍故取盲原以散之刺太陰以予之取厥陰以下之取巨虛下廉以去之按其所過之經以調之 小腸病者少腹痛腰脊控牽而痛時窘之後耳前熱若寒甚若獨肩上熱甚及手小指次指間熱若脉陷者此其候也 黃帝問曰有病厥者診右脉沉堅左手浮遲不知病生安在岐伯對曰冬診之右脉固當沉堅此應四時左脉浮遲此逆四時左當主病診左在腎頗在肺當腰痛 曰何以言之曰少陰脉貫腎絡肺今得肺脉腎爲之病故爲腰痛

之太陽脉令人腰痛引項脊尻背如腫狀刺其郛中太陽正經去血春無見血

少陽令人腰痛如以鍼刺其皮中循循然不可免仰不可以左右顧刺少陽盛骨之端出血盛骨在膝外廉之骨獨起者夏無見血

陽明令人腰痛不可以顧顧如有見者善悲刺陽明於臍前三痛上下和之出血秋無見血

足少陰令人腰痛痛引脊內廉刺足少陰於內踝上二痛春無見血若出血太多虛不可復

厥陰之脉令人腰痛腰中如張弓弩絃刺厥陰之脉在臍踵魚腹之外循循累累然乃刺之其病令人善言默默然不慧刺之三痛

解脉令人腰痛痛引肩目眈眈然時遺洩刺解脉在

膝筋分肉間在郄外廉之橫脉出血血變而止

同陰之脉令人腰痛腰如小錘居其中怫然腫刺同

陰之脉在外踝上絕骨之端為三痛

解脉令人腰痛如裂素問作引帶常如折腰之狀善怒刺

解脉在郄中結絡如黍米刺之血射以黑見赤血乃

已全元起云有兩解脉

陽維之脉令人腰痛痛上怫然種刺陽維之脉脉與

太陽合膈下間去地一尺所

衡絡之脉令人腰痛得俛不得仰仰則恐仕相之舉

重傷腰衡絡絕傷惡血歸之刺之在郄陽之筋間上

郄數寸衡居為二痛出血

陰之脉令人腰痛痛上澼然汗出汗乾令人欲飲

飲已欲走刺直陽之脉上三痛在躄上郄下三所

居視其盛者出血素問澼然作漂

飛陽之脉令人腰痛痛上怫然甚則悲以恐刺飛陽

之脉在內踝上二寸素問作五寸少陰之前與陰維之會

昌陽之脉令人腰痛痛引膺目眈眈然甚則反折舌

卷不能言刺內筋為二痛在內踝上大筋後上踝一

寸所素問大筋

散脉令人腰痛而熱熱甚而煩腰下如有橫木居其

中世則遺洩刺散脉在膝前骨肉分間絡外廉束脉

為三痛

肉里之脉令人腰痛不可以欬欬則筋攣刺肉里之

脉為二痛在太陽之外少陽絕骨之端

腰痛俠脊而痛至頭凡凡然目眊眊欲僵仆刺足太陽郄中出血 腰痛引少腹控眇不可以仰刺尻交

者兩踝脾上以月死生為痛數發鍼立已 素問云左取右右取

左 腰痛上寒取足太陽陽明痛上熱取足厥陰不可以俛仰取足少陽中熱而喘取足少陰郄中血絡

腰痛上寒實則脊急強長強主之 小腹痛控臑引

腰脊痠痛上衝心腰脊強溺黃赤口乾小腸俞主之

腰脊痛強引背少腹俛仰難不得仰息脚痠重尻

不舉溺赤腰以下至足清不仁不可以坐起膀胱俞

主之 腰痛不可以俛仰中膂內俞主之 腰足痛

而清善偃舉跳拳上竅主之 腰痛快快不可以俛

仰腰以下至足不仁入脊腰背寒次竅主之先取缺

後取尾骶與八竅 腰痛大便難飧泄腰尻中寒

中竅主之 腰痛脊急脇中滿小腹堅急志室主之

腰脊痛惡風少腹滿堅癢閉下重不得小便胞盲

主之 腰痛氐寒俛仰急難陰痛下重不得小便秩

邊主之 腰痛控臑小腹及股卒俛不得仰刺氣街

腰痛不得轉側章門主之 腰痛不可以久立俛

仰京門及行間主之 腰痛少腹痛下竅主之 腎

腰痛不可俛仰陰陵泉主之 腰痛少腹滿小便不

利如癰狀羸瘦意恐懼氣不足腹中怏怏太衝主之

腰痛少腹痛陰包主之 腰痛大便難湧泉主之

腰脊相引如解實則閉癢淒淒腰脊痛宛轉目循

循嗜臥口中熱虛則腰痛寒厥煩心悶大鍾主之

腰痛引脊內廉復溜主之春無見血若太多虛不可
 復是前足少陰痛也 腰痛不能舉足少坐若下車
 躓地脛中矯矯然申脉主之 腰痛如小錘居其中
 怫然腫痛不可以欬欬則筋縮急諸節痛上下無常
 寒熱陽輔主之 腰痛不可舉足跟中踝後痛脚痿
 僕參主之 腰痛俠脊至頭凡凡然目眈眈委中主
 之 是前刺足太陽 却中出血者 腰痛得俛不得仰仰則恐什得
 之舉重惡血歸之殷門主之 是前無絡之 脉腰痛者 腰脊痛
 尻脊股鬢陰寒大痛虛則血動實則并熱痛痔痛尻
 臍中腫大便直出扶承主之

三焦膀胱受病發少腹腫不得小便第九
 少腹腫痛不得小便邪在三焦約取之足太陽大絡

其結絡脉也厥陰小結絡而血者腫上及

三里

三焦病者腹脹氣滿少腹尤甚堅不得小便窘急流
 則為水留則為脹候在足太陽之外大絡絡在太陽
 少陽之間亦見於脉取委中

膀胱病在少腹偏腫而痛以手按之則欲小便而不
 得眉 一本作上 熱若脉陷及足小指外側及脛踝後皆
 熱者取委中 病在少腹痛不得大小便病名曰疝

得寒則少腹脹兩股間冷刺腰踝間刺而多之盡矣
 病已 少腹滿大上走胃至心索索然身時寒熱小
 便不利取足厥陰

胞轉不得溺少腹滿關元主之 小便難水脹滿出

少胞轉不得溺曲骨主之 少腹脹急小便不利厥
 氣上頭顛漏谷主之 溺難痛白濁卒疝少腹腫欬
 逆嘔吐卒陰跳腰痛不可以俛仰面黑熱腹中膜滿
 身熱厥痛行間主之 少腹中滿熱閉不得溺足五
 里主之 少腹中滿一本作痛小便不利湧泉主之 筋
 急身熱少腹堅腫時滿小便難尻股寒髀樞痛引季
 脇內控八竅委中主之 陰胞有寒小便不利扶承
 主之

三焦約內閉發不得大小便第十

內閉不得澀刺足少陰太陽與髓上以長鍼氣逆取
 其太陰陽明 厥甚取太陰陽明動者之經 三焦
 約大小便不通水道主之 大便難中渚及太自主

之 大便難大鍾主之

足厥陰脉動喜怒不時發癩疝遺溺癰第

十一

黃帝問曰刺節言去衣者刺關節之支絡者願聞其
 詳岐伯對曰腰脊者人之關節股肱者人之趨翔莖
 翠者身中之機陰津之候津液之道路也故飲食不
 節喜怒不時津液內流而下溢於翠水道不通是
 休息俛仰不便趨翔不能榮然有水不上不下銜石
 所取形不可匿裳不可蔽名曰去衣 曰有癰者一
 數十澀此不足也身熱如炭頸膺如格人迎躁盛
 喘息氣逆此有餘也素問下有陽氣陰氣不足則太
 陰脉細如髮者此不足者也其病安在曰病在太陰

其盛在胃頗在肺病名曰厥死不治此得五有餘二不足
曰何謂五有餘二不足曰所謂五有餘者病
之氣有餘也二不足者亦病氣之不足也今外得五
有餘內得二不足此其不表不裏亦死証明矣

狐疝驚悸少氣巨缺主之 陰疝引辜陰交主之

少腹痛溺難陰下縱橫骨主之 少腹痛臥善驚氣

海主之 暴疝少腹大熱關元主之 陰疝氣疝天

樞主之 癩疝大巨及地機中郄主之 陰疝痿莖

中痛兩丸騫臥不可仰臥刺氣街主之 陰疝衝門

主之 男子陰疝兩丸上下小腹痛五樞主之 陰

股內痛氣癰狐疝走上下引少腹痛不可俛仰上下

高丘主之 狐疝太衝主之 陰跳遺溺小便難

痛陰上下入腹中寒疝陰挺出偏大腫腹臍痛腹中

悒悒不樂六敦主之 腹痛上僖心心下滿癰莖中

痛怒腹不欲視泣出長太息行間主之 癩疝陰暴

痛中封主之 千金云癰疝陰暴 疝癰臍少腹引痛

腰痛中封主之 氣痛癰小便黃氣滿塞虛則遺

溺身時寒熱吐逆溺難腹滿石門主之 氣癰癩疝

陰急股樞臑內廉痛交信主之 陰跳腰痛實則挺

長寒熱攣陰暴痛遺溺偏大虛則暴癢氣逆腫臍卒

疝小便不利如癰狀數噫恐悸氣不足腹中悒悒少

腹痛嗌中有熱如有瘰肉狀如著欲出背攣不可俛

仰蠱溝主之 丈夫癩疝陰跳痛引篡中不得溺腹

中支脇下楮滿閉癰陰痿後時泄四肢不收實則身

百二經 卷之九 十一

疼痛汗不出目眦眦然無所見怒欲殺人暴痛引髓
下節時有熱氣筋攣膝痛不可屈伸狂如新發衄不
食喘呼少腹痛引噫足厥痛湧泉主之 瘰疬然谷
主之 卒疝少腹痛照海主之病在左取右右取左
立已 疝四肢淫灤身悶至陰主之 遺溺關門及
神門委中主之 胃滿膨膨然實則瘰閉腋下腫虛
則遺溺脚急兢兢然筋急痛不得大小便腰痛引腹
不得俛仰委陽主之 瘰中窞主之 氣瘰溺黃關
元及陰陵泉主之 千金云寒熱不節
腎病不可以俛仰 氣瘰小便黃
氣滿虛則遺溺石門主之 瘰遺溺鼠鼷痛小便難
而白期門主之 小便難窞中熱實則腹皮痛虛則
搔會陰主之 小腸有熱溺赤黃中脘主之

黃下廉主之 小便黃赤完骨主之 小便黃臍
相逐上廉主之 勞瘵小便赤難前谷主之

足太陽脉動發下部痔脫肛第十二

痔痛攢竹主之 痔會陰主之 凡痔與陰相通者死
陰中諸病前後相引痛不得大小便皆主之 痔骨
蝕商丘主之 痔篡痛飛揚委中及扶承主之 痔
篡痛承筋主之 脫肛下刺氣街主之

寒藏承藏主之 濕風不陳麻澁主之

蠱商立主之 寒寒藏燥鬱委中及井承主之 寒

劉中蓄藏前發眩昏藏不昏大小野皆主之 寒骨

寒藏鬱竹主之 寒會劉主之 凡寒與劉眩昏皆

吳太醫辨腫發不昏寒濕風主之

眩昏上兼主之 寒藏小野赤蠱前谷主之

黃下兼主之 小野黃赤宗骨主之 小野黃赤

灸甲乙經目錄卷之十

陰受病發痺 上下

陽受病發風 上下

八虛受病發拘攣

熱在五藏發痿

手太陰陽明太陽少陽脉動發肩背痛肩前臑

痛肩似拔

水漿不消發飲

鍼灸甲乙經卷之十一

陰受病發痺第一上

黃帝問曰周痺之在身也上下移徙隨其脉上下左右相應間不容空願聞此痛在血脉之中耶將在分肉之間乎何以致是其痛之移也間不及下鍼其蓄痛之時不及定治而痛已止矣何道使然岐伯對曰此衆痺也非周痺也此各在其處更發更止更居更起以左應右以右應左非能周也更發更休刺此者痛雖已止必刺其處勿令復起 曰周痺何如曰周痺在於血脉之中隨脉以上循脉以下不能左右各當其所其痛從上下者先刺其下以通之通一作過後刺其上以脫之其痛從下上者先刺其上以通之後刺

其下以脫之 曰此病安生因何有名曰風寒濕氣
客於分肉之間迫切而爲沫沫得寒則聚聚則排分
肉而分裂分裂則痛痛則神歸之神歸之則熱熱則
痛解痛解則厥厥則他痺發發則如是此內不在藏
而外未發於皮獨居分肉之間真氣不能周故名曰
周痺故刺痺者必先循切其上下之灸經視其虛實
及大絡之血結而不通者及虛而脉空者而調之
熨而通之其瘕緊者轉引而行之 曰何以候人之
善病痺者少俞對曰粗理而肉不堅者善病痺欲知
其高下視其三部 曰刺有三變何也曰有刺榮者
有刺衛者有刺寒痺之留經者刺營者出血刺衛者
出氣刺寒痺者內熱 曰營衛寒痺之爲病奈何曰

營之生病也寒熱少氣血上下行衛之生病也氣痛
時來去怫愾賁嚮風寒客於腸胃之中寒痺之爲病
也留而不去時痛而皮不仁 曰刺寒痺內熱奈何
曰刺布衣者用火焮之刺大人者藥熨之方用醇酒
二十升蜀椒一升乾薑一升桂一升凡四物各細切
咀著清酒中綿絮一斤細白布四丈二尺竝內酒中
置酒馬矢煨中舍封塗勿使氣泄五日五夜出布絮乾
暴乾復漬之以盡其汁每漬必醉其日乃出布絮乾
之并用滓與絮布長六七尺爲六巾卽用之生桑炭
炙巾以熨寒痺所乘之處令熱入至於病所寒復炙
巾以熨之三十遍而止卽汗出炙巾以拭身以三十
遍而止起步內中無見風每刺必熨如此病已失此

所謂內熱 曰痺將安生曰風寒濕三氣合至雜而
 為痺其風氣勝者為行痺寒氣勝者為痛痺濕氣勝
 者為著痺 曰其有五者何也曰以冬遇此者為骨
 痺以春遇此者為筋痺以夏遇此者為脉痺以至陰
 遇此者為肌痺以秋遇此者為皮痺 曰內舍五藏
 六府何氣使然曰五藏皆有合病久而不去者內舍
 於合故骨痺不已復感於邪內舍於腎筋痺不已復
 感於邪內舍於肝脉痺不已復感於邪內舍於心肌
 痺不已復感於邪內舍於脾皮痺不已復感於邪內
 舍於肺所謂痺者各以其時感於風寒濕之氣也
 諸痺不已亦益內也其風氣勝者其人易已 曰其
 時有死者或疼久者或易已者何也曰其入藏者其
 其留連筋骨間者疼久其留連皮膚間者易已 曰
 其客六府者何如曰此亦其飲食居處為其病本也
 六府各有俞風寒濕氣中其俞而食飲應之循俞而
 入各舍其府也 曰以鍼治之柰何曰五藏有俞六
 府有合循脉之分各有所發各治其過則病瘳矣
 曰營衛之氣亦令人痺乎曰營者水穀之精氣也和
 調五藏灑陳六府乃能入於脉故循脉上下貫五藏
 絡六府衛者水穀之悍氣也其氣剽疾滑利不能入
 於脉也故循皮膚之中分肉之間熏於盲膜聚素問作散
 於胃腹逆其氣則病順其氣則愈不與風寒濕氣合
 故不為痺也

陰受病發痺下

黃帝問曰痺或痛或不仁或寒或熱或燥或濕者其故何也岐伯對曰痛者其寒氣多有寒故痛其不痛不仁者病久入深營衛之行滯經絡時疎故不痛皮膚不營故不仁其寒者陽氣少陰氣多與病相益故為寒其熱者陽氣多陰氣少病氣勝陽乘陰故為熱其多寒汗出而濡者此其逢濕勝也其陽氣少陰氣盛兩氣相感故寒汗出而濡也夫痺在骨則重在脉則凝而不流在筋則屈而不伸在肉則不仁在皮則寒故具此五者則不痛凡痺之類逢寒則急逢熱則縱曰或有一脉生數十病者或痛或癢或熱或癢或痺或不仁變化無有窮時其故何也曰此皆邪氣之所生也曰人有真氣有正氣有邪氣何

謂也曰真氣者所受於天與水穀氣并而充身者也

正氣者正風從一方來非虛風也太素云非邪氣者

虛風也虛風之賊傷人也其中人也深不得自去正

風之中人也淺而自去其氣柔弱不能傷真氣故自

去虛邪之中人也悽索動形起毫毛而發腠理其入

深內薄於骨則為骨痺薄於筋則為筋攣薄於脉中

則為血閉而不通則為癰薄於肉中與衛氣相薄陽

勝則為熱陰勝則為寒寒則其氣去去則虛虛則寒

薄於皮膚其氣外發腠理開毫毛搖氣一作氣往來

微行則為養氣留而不去故為痺衛氣不去則為不

仁

病在骨骨重不可舉骨髓痠痛寒氣至名曰骨痺深

者刺無傷脉肉為故其道大小分骨熱病已止 病
 在筋筋攣節痛不可以行名曰筋痺刺筋上為故刺
 分肉間不可中骨病起筋熱病已止 病在肌膚肌
 膚盡痛名曰肌痺傷於寒濕刺大分小分多發鍼而
 深之以熱為故無傷筋骨筋骨傷癱發若變諸分盡
 熱病已止

曰人身非衣寒也中非有寒氣也寒從中生者何曰
 是人多痺陽氣少而陰氣多故身寒如從水中出
 曰人有身寒湯火不能熱也厚衣不能溫也然下為
 凍慄是為何病曰是人者素腎氣勝以水為事太陽
 氣衰腎脂枯不長一水不能勝兩火腎者水也而主
 骨腎不生則髓不能滿故寒甚至骨所以不能凍慄

者肝一陽也心二陽也腎孤藏也一水不能勝上二

火故不能凍慄病名曰骨痺是人當攣節着痺不去

久寒不已為肝痺一作肝痺骨痺舉節不用而痛汗注

煩心取三陰之經補之 厥痺者厥氣上及腹取陰

陽之絡視主病者寫陽補陰經也 風痺注病靈樞

樂不可已者足如履冰時如入湯中肢脛淫灤煩心

頭痛時嘔時悶眩已汗出久則目眩悲以喜怒短氣

不樂不出三年死 足髀不可舉側而取之在樞闔

中以員利鍼大鍼不可 膝中痛取犢鼻以員利鍼

鍼發而間之鍼大如釐刺膝無疑

足不仁刺風府 腰已下至足清不仁不可以坐起

尻不舉腰俞主之 痺會陰及太淵消灤照海主之

嗜臥身體不能動搖大温一本作熱三陽絡主之 骨
 痺煩滿商丘主之 足下熱痛不能久坐濕痺不能
 行三陰交主之 膝內廉痛引髓不可屈伸連腹引
 咽喉痛膝關主之 痺脛重足跗不收跟痛巨虛下
 廉主之 脛痛足緩失履濕痺足下熱不能久立條
 口主之 脛茗茗一本作苦痺膝不能屈伸不可以行梁
 丘主之 膝寒痺不仁不可屈伸髀關主之 膚痛
 痿痺外丘主之 膝外廉痛不可屈伸脛痺不仁陽
 關主之 髀痺引膝股外廉痛不仁筋急陽陵泉主
 之 寒氣在分肉間痛上下痺不仁中瀆主之 髀
 樞中痛不可舉以毫鍼寒留之以月生死為痛數立
 已長鍼亦可 腰脅相引痛急髀筋瘕脛痛不可屈
 伸痺不仁環跳主之 風寒從足小指起脉痺上下
 帶胛脅痛無常處至陰主之 足大指搏傷下車控
 地通背指端傷為筋痺解谿主之

陽受病發風第二上

黃帝問曰風之傷人也或為寒熱或為熱中或為寒
 中或為厲風或為偏枯其為風也其病各異其名不
 同或內至五藏六府不知其解願聞其說岐伯對曰
 風氣藏於皮膚之間內不得通外不得泄風氣者善
 行而數變腠理開則悽素問作酒然寒閉則熱而悶其寒
 也則衰食飲其熱也則消肌肉使人解休素問作快悶
 而不能食名曰寒熱 風氣與陽明入胃循脉而上
 至目內眥其人肥則風氣不得外泄則為熱中而目

黃人瘦則外泄而寒則為寒中而泣出 風氣與六

陽俱入行諸脉俞散分肉間衛氣悍邪時與衛氣相

于素問無衛氣其道不利故使肌肉臃脹而有瘍衛

氣凝而有所不行故其肉有不仁厲者有榮氣熱浮

其氣不清故使鼻柱壞而色敗皮膚瘍以潰風寒客

於脉而不去名曰厲風或曰寒熱

以春甲乙傷於風者為肝風 以夏丙丁傷於風者

為心風 以季夏戊己傷於風者為脾風 以秋庚

辛傷於風者為肺風 以冬壬癸傷於風者為腎風

風氣中五藏六府之俞亦為藏府之風各入其門

戶風之所中則為偏風風氣循風府而上則為腦風

入系頭則為目風眼寒飲酒中風則為漏風入房汗

出中風則為內風新沐中風則為首風又風入中則

為暈風飡泄而外在腠理則為泄風故風者百病之

長也至其變化乃為他病無常方然故有風氣也

肺風之狀多汗惡風色併精然白時欬短氣晝日則

差暮則甚診在眉上其色白

心風之狀多汗惡風焦絕善怒色赤病甚則言不快

診在口其色赤

肝風之狀多汗惡風善悲色微蒼嗑乾善怒時憎女

子診在目下其色青

脾風之狀多汗惡風身體怠墮四肢不欲動色薄微

黃不嗜食診在鼻上其色黃

腎風之狀多汗惡風面瘡然浮腫腰脊痛不能正立

色始隱曲不利診在肌上其色黑

胃風之狀頸多汗惡風食飲不下鬲塞不通腹善滿

失衣則臍脹食寒則泄診形瘦而腹大

首風之狀頭痛面多汗惡風先當風一日則病甚頭

痛不可以出內至其風日則病少愈

漏風之狀或多汗常不可單衣食則汗出甚則身汗

喘息惡風衣常濡口乾善渴不能勞事

泄風之狀多汗汗出泄衣上咽素問作口中乾上漬其風

不能勞事身體盡痛則寒

曰邪之在經也其病人何如取之柰何曰天有宿度

地有經水人有經脉天地温和則經水安靜天寒地

凍則經水凝泣天暑地熱則經水沸溢卒風暴起關

經水波舉素問作湧而隴起夫邪之入於脉也寒則血凝

泣暑則氣淖澤虛邪因而入客也亦如經水之得風

也經之動脉其至也亦時隴起於脉中循循然其至

寸口中手也時大時小大則邪至小則乎其行無常

處在陰與陽不可為度循而察之三部九候卒然逢

之早過其路吸則內鍼無令氣忤靜以久留無令邪

布吸則轉鍼以得氣為故候呼引鍼呼盡乃去大氣

皆出故名曰寫 曰不足者補之柰何曰必先捫而

循之切而散之推而按之彈而怒之抓而下之通而

散之外引其門以閉其神呼盡內鍼靜以久留以氣

至為故如待所貴不知日暮其氣已至適以自護候

吸引鍼氣不得出各在其處推闔其門令真氣素問作神

氣存大氣留止故名曰補。曰候氣奈何曰夫邪去絡入於經舍於血脉之中其寒溫未相得如湧波之起也時來時去故不常在故曰方其來也必按而止之止而取之無迎。素問作逢其衝而寫之真氣者經氣也經氣太虛故曰其氣。素問作其來不可逢此之謂也故曰候邪不審大氣已過寫之則真氣脫脫則不復邪氣益至而病益畜故曰其往不可追此之謂也不可掛以髮者待邪之至時而發鍼寫焉若先若後者血氣已盡其病不下故曰知其可取如發機不知其取如叩椎故曰知機道者不可掛以髮不知機者叩之不發此之謂也。曰真邪以合波隴不起候之奈何曰審捫循三部九候之盛虛而調之不知三部者陰陽

不別天地不分地以候地天以候天人以候人調之中府以定三部故曰刺不知三部九候病脈之處雖有太過且至工不得。素問作能禁也誅罰無過命曰大惑反亂大經真不可復用實為虛以邪為正。素問作真用鍼無義反為氣賊奪人正氣以順為逆營衛散亂真氣已失邪獨內著絕人長命予人天殃不知三部九候故不能久長固。素問作固不知合之四時五行因加相勝釋邪攻正絕人長命邪之新客來也未有定處推之則前引之則上逢而寫之其病立已。曰人之善病風灑灑汗出者何以候之曰肉不堅腠理疎者善病風。曰何以候肉之不堅也曰腠肉不堅而無分理者肉不堅膚粗而皮不緻者腠理疎也。

陽受病發風第二

黃帝問曰刺節言解惑者蓋知調諸陰陽補寫有餘不足相傾移也何以解之岐伯對曰大風在身血脉偏虛虛者不足實者有餘輕重不得傾側宛伏不知東西南北乍上乍下反覆顛倒無常甚於迷惑補其不足寫其有餘陰陽平復用鍼如此疾於解惑淫邪偏客於半身其入深內居營衛營衛稍衰則真氣去邪氣獨留發為偏枯其邪氣淺者脉偏痛風逆暴四肢腫身漑漑喘然時寒饑則煩飽則善變取手太陰表裏足少陰陽明之經肉反清取營骨清取并經也偏枯身偏不用而痛言不變智不亂病在分湊之間巨鍼取之益其不足損其有餘乃可復也

痺之為病也身無痛者四肢不收智亂不甚其言微知可治甚則不能言不可治也病先起於陽後入於陰者先取其陽後取其陰必審其氣之浮沉而取之病大風骨節重鬚眉墜名曰大風刺肌肉為故汗出百日刺骨髓汗出百日凡二百日鬚眉生而止鍼曰有病身熱懈墮汗出如浴惡風少氣此為何病曰名酒風治之以澤瀉木各十分糜銜五分合以三指撮為後飲身有所傷出血多及中風寒若有所墜墮四肢解仍不收名曰體解取其少腹臍下三結交三結交者陽明太陰一本作陽臍下三寸關元也風眩善嘔煩滿神庭主之如顏青者上星主之取上星者先取譙譙後取天牖風池頭痛顏青者顛會

主之 風眩引領痛上星主之取上星亦如上法

風眩目瞑惡風寒面赤腫前頂主之 頂上痛風頭

重目如脫不可左右顧百會主之 風眩目眩顛上

痛後頂主之 頭重頂痛目不明風到腦中寒重衣

不執汗出頭中惡風刺腦戶主之 頭痛項急不得

傾倒目眩鼻不得喘息舌急難言刺風府主之 頭

眩目痛頭半寒千金下玉枕主之 腦風目瞑頭痛

風眩目痛腦空主之 頸頤僭滿痛引牙齒口噤不

開急痛不能言曲鬢主之 頭痛引頸窵陰主之

風頭耳後痛煩心及足不收失履口喎僻頭項搖瘈

牙車急完骨主之 眩頭痛重目如脫項似拔狂見

鬼目上反項直不可以顧暴攣足不任身痛欲折天

杜主之 腰脊強不得俛仰刺脊中大風汗出膈俞

主之又譏譎主之 素問骨空註云大風汗出灸譏譎 眩頭痛刺絲

竹空主之 口僻顴竅及斷交下關主之 面目惡

風寒頓腫臃痛招搖視瞻瘕瘕口僻巨竅主之 口

不能水漿咽僻水溝主之 口僻禁外關主之 瘕

瘕口沫出上關主之 偏枯四肢不用善驚大巨主

之 大風逆氣多寒善悲大橫主之 手臂不得上

頭尺澤主之 風汗出身腫喘喝多睡恍惚善忘嗜

臥不覺天府主之在腋下三寸臂內動脈之中 風

熱善怒中心喜悲思慕欬欬善笑不休勞宮主之

兩手攣不收伸及腋偏枯不仁手瘈偏小筋急大陵

主之 頭身風善嘔怵寒中少氣掌中熱肘急腋腫

間使主之 足不收痛不可以行天泉主之 足下

緩失履衝陽主之 手及臂攣神門主之 痺痿臂

腕不用唇吻不收合谷主之 肘痛不能自帶衣起

頭眩頷痛面黑風肩背痛不可顧關衝主之 盞外

腫肘臂痛五指瘈不可屈伸頭眩額額顱痛中渚主

之 馬刀腫瘦目痛肩不舉心痛楮滿逆氣汗出口

噤不可開支溝主之 大風默默不知所痛嗜臥善

驚癡癡天井主之 千金云悲傷不樂 偏枯臂腕發痛肘屈

不得伸手又風頭痛涕出肩臂頸痛項急煩滿驚五

指掣不可屈伸戰休腕骨主之 風眩驚手腕痛泄

風汗出至腰陽谷主之 千金手腕痛作手卷 風逆暴四肢腫

濕則唏然寒饑則煩心飽則眩大都主之 風入腹

中俠臍急胃痛脅楮滿衄不止五指端盡痛足不踐

地湧泉主之 偏枯不能行大風默默不知所痛視

如見星溺黃小腹熱咽乾照海主之寫在陰躄右少

陰俞先刺陰躄後刺少陰在橫骨中 風逆四肢腫

復溜主之 風從頭至足面目赤口痛齧舌解谿主

之 大風目外眦痛身熱痲缺盆中痛臨泣主之

善自齧頰偏枯腰髀樞痛善搖頭京骨主之 大風

頭多汗腰尻腹痛膕跟腫上齒痛脊背尻重不欲起

聞食臭惡聞人音泄風從頭至足崑崙主之 痿厥

風頭重頰痛樞股膕外廉骨痛瘈瘲不仁振寒時

有熱四肢不舉跌陽主之 腰痛頸項痛歷節汗出

而步履寒復不仁膕中痛飛揚主之

八虛受病發拘攣第三

黃帝問曰人有八虛各以何候岐伯對曰肺心有邪其氣留於兩腋肝有邪其氣留於兩肘脾有邪其氣留於兩髀腎有邪其氣留於兩膕凡此八虛者此機關之室真氣之所過血絡之所由是八邪氣惡血因而得留留則傷筋骨機關不得屈伸故拘攣暴拘攣痲眩足不任身取天柱主之急引脅而痛內引心肺諛諛主之從項至脊自脊已下至十二椎應手刺之立已轉筋者立而取之可令遂已痿厥者張而引之可令立快矣

熱在五藏發痿

黃帝問曰五藏使人痿何也岐伯對曰肺主身之皮

毛心主身之血脉肝主身之筋膜脾主身之肌肉腎主身之骨髓故肺氣熱則葉焦焦則皮毛虛弱急薄著著則生痿躄矣故心氣熱則下脉厥而上上則下脉虛虛則生脉痿樞折瘕脛腫而不任地素問瘕瘕作肝氣熱則膽熱泄口苦筋膜乾筋膜乾則筋急而攣發為筋痿脾氣熱則胃乾而渴肌肉不仁發為肉痿腎氣熱則腰脊不舉骨枯而髓減發為骨痿

曰何以得之曰肺者藏之長也為心之蓋有所亡失

所求不得則發為肺鳴鳴則肺熱葉焦發為痿躄悲哀太甚則胞絡絕胞絡絕則陽氣內動發則心下崩數洩血故本病曰大經空虛發為肌痺傳為脉痿思

想無窮所願不得意淫於外入房太甚宗筋弛縱發
 為筋痿及為白淫故下經曰筋痿生於肝使內也有
 漸於濕以水為事若有所留居處傷濕肌肉濡漬痺
 而不仁發為肉痿故下經曰肉痿者得之濕地有所
 遠行勞倦逢大熱而渴渴則陽氣內伐內伐則熱合
 素問於腎腎者水藏今水不勝火則骨枯而髓空故
 足不任身熱發為骨痿故下經曰骨痿生於大熱
 曰何以別之曰肺熱者色白而毛敗心熱者色赤而
 絡脉溢肝熱者色蒼而爪枯脾熱者色黃而肉蠕動
 腎熱者色黑而齒槁 曰治痿者獨取陽明何謂也
 曰陽明者五藏六府之海主潤宗筋宗筋者主束骨
 而利機關衝脉者經脉之海主滲灌谿谷與陽明合

於宗筋陰陽摠宗筋之會會於氣衝而陽明為之長
 皆屬於帶脉而絡於督脉故陽明虛則宗筋縱帶脉
 不引故足痿不用治之各補其營而通其俞調其虛
 實和其逆順則筋脉骨肉各以其時受月則病矣
 痿厥為四末束悶乃疾解之曰二不仁者十日而知
 無休病已止 足緩不收痿不能行不能言語手足
 痿躄不能行地倉主之 痿不相知太白主之
 骨痿不 痿厥身體不仁手足偏小先取京骨後取
 相知 中封絕骨皆寫之 痿厥寒足腕不收躄坐不能起
 髀樞脚痛丘墟主之 虛則痿躄坐不能起實則厥
 脛熱時痛身體不仁手足偏小善嚙頰光明主之
 手太陰陽明太陽少陽脉動發肩背痛肩

前臑皆痛肩似拔第五

肩痛不可舉天容及秉風主之 肩背髀痛臂不舉
 寒熱淒索肩井主之 肩腫不得顧氣舍主之 肩
 背髀不舉血瘀肩中不能動搖巨骨主之 肩中熱
 指臂痛肩髃主之 肩重不舉臂痛肩竅主之 肩
 重肘臂痛不可舉天宗主之 肩胛甲痛而寒至肘
 肩外俞主之 肩胛周痺曲垣主之 肩痛不可舉
 引缺盆痛雲門主之 肘痛尺澤主之 臂瘳引口
 中寒頰腫肩腫引缺盆商陽主之 肩肘中痛難屈
 伸手不可舉腕重急曲池主之 肩肘節酸重臂痛
 不可屈伸肘竅主之 肩痛不能自舉汗不出頸痛
 陽池主之 肘中濯濯臂內廉痛不可及頭外關主

之 肘痛引肩不可屈伸 振寒熱頸項肩背痛
 痺不仁天井主之 千金云肩內麻 肩不可舉不能帶衣

清冷淵主之 肘臂腕中痛頸腫不可以顧頭項急
 痛眩淫灤肩胛小指痛前谷主之 肩痛不可自帶
 衣臂腕外側痛不舉陽谷主之 臂不可舉頭項痛
 咽腫不可咽前谷主之 肩痛欲折臑如拔手不能
 自上下養老主之 肩背頭痛時眩湧泉主之
 水漿不消發飲第六

溢飲脅下堅痛中腕主之 腰清脊強四肢懈墮善
 怒欬少氣鬱然不得息厥逆肩不可舉馬刀瘦身羸
 章門主之 溢飲水道不通溺黃小腹痛裏急腫洞
 泄體痛引骨京門主之 飲渴身伏多唾隱白主之

草門主之 益氣木能不通 黃小即氣果急 驚厥
恐然火麻鬱然不舒息 渴也骨不可舉 愚又變身 脚
益氣骨不可望 厥中即主之 聖毒脊逆四翅 辦壹善
木藥不肖發 槍策六 骨痛肩 邪主之
自土不養 主之 骨背 顛厥 却却 泉主之
即顛下 骨即前谷 主之 骨厥 谷 淋 氣 收 封 手 不 兼
亦習 氣 水 順 氣 不 舉 則 谷 主 之 骨 背 不 可 舉 與 骨 厥
厥 氣 至 樂 骨 背 小 骨 厥 前 谷 主 之 骨 背 不 可 自 帶
骨 令 厥 主 之 骨 背 不 可 舉 與 骨 厥 不 可 以 顛 與 泉 主
骨 不 可 天 共 主 之 骨 背 不 可 舉 與 骨 厥 不 可 自 帶
骨 背 不 可 天 共 主 之 骨 背 不 可 舉 與 骨 厥 不 可 自 帶
骨 背 不 可 天 共 主 之 骨 背 不 可 舉 與 骨 厥 不 可 自 帶

針灸甲乙經目錄卷之十一

胃中寒發脉代

腸厥大驚發狂癇

陽脉下墜陰脉上爭發尸厥

氣亂於腸胃發霍亂吐下

足太陰厥脉病發溇泄下痢

五氣溢發消渴黃痺

動作失度內外傷發崩中瘀血嘔血唾血

邪氣聚於下脘發內癰

寒氣客於經絡之中發癰疽風成發厲浸淫下

鍼灸甲乙經卷之十一

胃中寒發脉代第一

脉代不至寸口四逆脉鼓不通雲門主之 胃中寒
脉代時至上重下輕足不能地少腹脹上搶心胃痞
滿欬唾有血然谷主之

陽厥大驚發狂癎第二

黃帝問曰人生而病癎疾者安所得之岐伯對曰此
得之在母腹中時其母數有大驚氣上而不下精氣
并居故令子發為癎疾 病在諸陽脉且寒且熱諸
分且寒且熱名曰狂刺之虛脉視分盡熱病已止病
初發歲一發不治月一發不治月四五發名曰癎疾
刺諸分其脉尤寒者以鍼補之

素問云諸脉諸分其無寒者以鍼調之病

此 曰有病狂怒者此病安生曰生於陽也 曰陽

何以使人狂也曰陽氣者因暴折而難決故善怒病

名曰陽厥 曰何以知之曰陽明者常動太陽少陽

不動不動而動大疾此其候也 曰治之奈何曰衰

素問其食即已夫食入於陰氣長於陽故奪其食即

已使人服以生鐵落為後飲夫生鐵落者下氣候也

素問候 癲疾脉搏大滑以自已脉小堅急死不治

一作脉沉小急實死 癲疾脉虛可治實則死厥成

為癲疾貫疽素問作黃疽 暴病厥癲疾在久逆之所生

也五藏不平六府閉塞之所生也 癲疾始生先不

樂頭重痛直視舉目赤甚作極已而煩心候之於顏

取手太陽太陰血變而止 癲疾始作而引口喘呼

者攻其左一本血變而止 治癲疾者常與之居察

其所當取之處病至視之有過者即寫之置其血於

瓠壺之中至其發時血獨動矣不動灸窮骨三十壯

窮骨者尾骶也 骨癲疾者頷齒諸俞分肉皆滿而

骨倨強直汗出煩悶嘔多涎沫氣下泄不治 脉癲

疾者暴仆四肢之脉皆脹而縱脉滿盡刺之出血不

滿灸之俠項太陽又灸帶脉於腰相去三寸諸分肉

本俞嘔多涎沫氣下泄不治 筋癲疾者身卷攣急

脉大刺項大經之大杼嘔多涎沫氣下泄不治 狂

之始生先自悲也善忘善怒善恐者得之憂饑治之

先取手太陰陽明血變而止及取足太陰陽明 狂

狂

始發少臥不饑自高賢也自辨智也自尊貴也善罵
詈日夜不休治之取手陽明太陽太陰舌下少陰視
脉之盛者皆取之不盛者釋之 狂善驚善笑好歌
樂妄行不体者得之大恐治之取手陽明太陽太陰
狂目妄見耳妄聞善呼者少氣之所生也治之取手
太陽太陰陽明足太陽及頭兩額 狂多食善見鬼
神善笑而不發於外者得之有所大喜治之取足太
陰陽明太陽後取手太陰陽明太陽 狂而新發未
應如此者先取曲泉左右動脉及盛者見血立頃已
不已以法取之灸骶骨二十壯骶骨者尾屈也
癲疾嘔沫神庭及兌端承漿主之 其不嘔沫本神
及百會後頂玉枕天衝大杼曲骨尺澤陽谿外丘當

上脘傍五分通谷金門承筋合陽主之委中下二寸
爲合陽 癲疾上星主之先取噫嘻後取天牖風池
癲疾嘔沫暫起僵仆惡見風寒面赤腫頰會主之
癲疾狂走瘈瘲搖頭口喎戾頸強強間主之 癲
疾瘈瘲狂走頸項痛後頂主之後頂項後一寸五分
癲疾骨痠眩狂瘈瘲口噤千金作羊鳴刺腦戶
狂易多言不休及狂走欲自殺及目妄見刺風府
癲疾僵仆目妄見恍惚不樂狂走瘈瘲絡却主之
癲疾大瘦腦空主之 癲疾僵仆狂瘧完骨及風池
主之 癲疾互引天柱主之 癲疾怒欲殺人身柱
主之 十金又云瘈瘲身熱狂走譫語見鬼 狂走癲疾脊急強目轉上
插筋俞主之 癲疾發如狂走者面皮厚敦敦不治

虛則頭重洞泄淋瀝大小便難腰尻重難起居長強
 主之 癩疾憎風時振寒不得言得寒益甚身熱狂
 走欲自殺目反妄見瘈瘲泣出死不知人肺俞主之
 癩疾膈俞及肝俞主之 癩疾互引水溝及斷交
 主之 癩疾狂瘈瘲眩什癩疾瘖不能言羊鳴沫出
 聽宮主之 癩疾互引口啞喘悸者大迎主之及取
 陽明太陰候手足變血而止 狂癩疾吐舌太乙及
 滑肉門主之 太息善悲少腹有熱欲走日月主之
 狂易魚際及合谷腕骨支正少海崑崙主之 狂
 言太淵主之 心懸如饑狀善悲而驚狂面赤目黃
 間使主之 狂言笑見鬼取之陽谿及手足陽明太
 陰 癩疾多言耳鳴口僻頰腫實則聾齟喉痺不能

言齒痛鼻齕衄虛則痺南俞偏歷主之 癩疾吐舌
 鼓頷狂言見鬼温溜主之在腕後五寸 目不明腕
 急身熱驚狂覺痿痺瘈瘲曲池主之 癩疾吐舌曲
 池主之 狂疾掖門主之又俠谿丘墟光明主之
 狂互引頭痛耳鳴目痺中渚主之 熱病汗不出互
 引頸隘外腫肩臂痠重脅掖急痛不舉痲疥項不可
 顧文溝主之 癩疾吐血沫出羊鳴戾頸天井主之
 在肘後 熱病汗不出狂互引癩疾前谷主之 狂
 互癩疾數發後谿主之 狂癩疾陽谷及築賓通谷
 主之 癩疾狂多善食善笑不發於外煩心渴商丘
 主之 癩疾短氣嘔血胃背痛行間主之 痿厥癩
 疾洞泄然谷主之 狂什温溜主之 狂癩陰谷主

之 癲疾發寒熱欠煩滿悲泣出解谷主之 狂妄
 走善欠巨虛上廉主之 狂易見鬼與火解谿主之
 癲狂互引僵仆申脉主之先取陰蹻後取京骨頭
 上五行目反上視若赤痛從內皆始復下半寸各三
 疔左取右右取左 寒厥癲疾噤訥瘕瘕驚狂陽交
 主之 癲疾狂妄行振寒京骨主之 身痛狂善行
 癲疾束骨主之補諸陽 癲疾僵仆轉筋僕參主之
 癲疾目眈眈眈崑崙主之 癲狂疾體痛飛揚
 主之 癲疾反折委中主之 凡好太息不嗜食多
 寒熱汗出病至則善嘔嘔已乃衰即取公孫及井俞
 實則臍中切痛厥頭面腫起煩心狂多飲霍則鼓濁
 腹中氣大滯熱痛不嗜臥霍亂公孫主之

陽脉下墜陰脉上爭發尸厥第三

尸厥死不知人脉動如故隱白及大敦主之 恍惚
 尸厥頭痛中極及僕參主之 尸厥暴死金門主之

氣亂於腸胃發霍亂吐下第四

霍亂刺俞傍五足陽明及上傍三 嘔吐煩滿魄尸
 主之 陽逆霍亂刺人迎刺入四分不幸殺人 霍
 亂泄出不自知先取太谿後取太倉之原 霍亂巨
 闕關衝支溝公孫解谿主之 十金又取陰陵泉 霍亂泄注

期門主之 厥逆霍亂府舍主之 胃逆霍亂魚際

主之 霍亂逆氣魚際及太白血主之 霍亂遺矢氣

三里主之 暴霍亂僕參主之 霍亂轉筋金門僕

參承山承筋主之 霍亂脛痺不仁承筋主之 十金

脾瘵

轉筋於陽理其陽轉筋於陰理其陰皆卒刺

之

足太陰厥脈病發溇泄下痢第五

春傷於風夏生飧泄 腸澼久風為飧泄 飧泄而

赤小手足寒者難已 飧泄而脈大手足溫者易已

黃帝問曰腸澼便血何如岐伯對曰身熱則死寒則

生 曰腸澼下白沫何如曰脈沉則生浮則死 曰

腸澼下膿血何如曰懸絕則死滑大則生 曰腸澼

之屬身不熱脈不懸絕何如曰脈滑大皆生懸澼皆

死以藏期之

陰泄補三陰交上補陰陵泉皆久留之熱行乃止

五里瀉下血取曲泉五里瀉中有寒熱泄注腸澼

會陽主之 腸鳴澼泄下痢 腸澼泄切痛

滿主之 便膿血寒中食不化 中痛腹哀主之

繞臍痛捨心膝寒注利腹哀主之 溇瘕腹中痛藏

痺地機主之 飧泄太衝主之 若不化食寒熱不

節陰陵泉主之 腸澼中瀉主之 飧泄大腸痛巨

虛上廉主之

五氣溢發消渴黃瘡第六

黃帝問曰人之善病消痺者何以候之岐伯對曰五

藏皆柔弱者善病消痺夫柔弱者必剛強剛強多怒

柔者易傷也此人薄皮膚而目堅固以深者長衡直

揚其心剛剛則多怒怒則氣上逆胃中畜積血氣逆

留 留積 腹皮克脹 皮克肌 血脉不行轉而為熱

熱則消肌故為消癰此言其剛暴而肌肉弱者也
 面色微黃齒垢黃爪甲上黃黃癰也安臥小便黃赤
 脈小而澹者不嗜食 曰有病口甘者病名曰何何
 以得之曰此五氣之溢也名曰脾癰夫五味入口發
 於脾胃為之行其精氣津液在脾故令人口甘此肥
 美之所發也此人必數食美而多食其肥肥令人肉
 熱其令人中滿故其氣上溢轉為消癰素問治之以
 蘭除陳氣也 凡治消癰治偏枯厥氣逆涌肥貴人
 則膏梁之病也鬲塞閉絕上下不通暴憂之病也
 消癰脈實大病久可治脈懸絕小堅病久不可治也
 曰熱中消中不可服膏梁芳草石藥石藥發疽素問
 消芳草發狂夫熱中消中者皆富貴人也今禁膏梁

是不合其心禁芳草石藥是病不愈願聞其說曰夫
 芳草之氣美 藥之氣悍二者其氣急疾堅勁故非
 緩心和人不可以服此二者夫熱氣慄悍藥氣亦然
 二者相遇恐內傷脾脾者土也而惡木服此藥也至
 甲乙曰當愈甚素問癰成為消中

黃癰刺脊中千金云服黃癰善欠脅下滿欲吐脾

俞主之千金云身消渴身熱面赤黃意舍主

之消渴嗜飲承漿主之 黃癰目黃勞宮主之

嗜臥四肢不欲動搖身體黃灸手五里左取右右取
 左消渴腕骨主之 黃癰熱中善渴太衝主之
 身黃時有微熱不嗜食膝內內踝前痛少氣身體重
 中封主之 消癰善喘氣是喉咽而不能言手足清

甲乙經
溺黃大便難噎中腫痛唾血口中熱唾如膠太谿主
之消渴黃瘳足一寒一熱舌縱煩滿然谷主之
陰氣不足熱中消穀善饑腹熱身煩狂言三里主之
動作失度內外傷發崩中瘀血嘔血唾血

第七

黃帝問曰人年半百而動作皆衰者人將失之邪
伯對曰今時之人以酒為漿以安為常醉以入房以
欲竭其精以耗散其真不知持滿不時御神務快其
心逆於生樂起居無節故半百而衰矣夫聖人之教
形勞而不勑神氣從以順色欲不能勞其目淫邪
其心智慧賢肯不懼於物故合於道致
其德全不危也

血久坐傷肉久立傷骨久行傷筋

老唾血四肢清目眩時時前後血何以得之曰病名
曰血枯此得之少年時有所大奪血若醉以入房中
氣竭肝傷故使月事衰少不來也治之以烏賊魚骨
鱈鮫二物并合丸以雀卵大如小豆以五丸為後飯
飲以鮑魚汁以飲利腸中及傷肝也 曰勞風為病
何如曰勞風法在肺下其為病也使人強上而瞑視
唾出若涕惡風而振寒此為勞風之病也 曰治之
奈何曰以救俛仰太陽引精者三日中年者五日不
精者七日 千金云候之三日五日 效出青黃涕其
狀如膿大如彈丸從口中若鼻空出不出則傷肺傷

肺則死矣

少氣身潔累也言吸吸也骨瘦體重懈惰不能動補
足少陰 短氣息短不屬動作氣索補足少陰去血
絡 男子陰端寒上衝心中很很會陰主之 男子
脊急目赤支溝主之 脊內廉痛溺難陰痿不用少
腹急引陰及脚內廉陰谷主之 善厭夢者商丘主
之 丈夫失精中極主之 男子精溢陰上縮大赫
主之 男子精不足太衝主之 崩中腹上下痛中
郄主之 胃中瘀血曾脅楮滿臍痛不能久立膝痿
寒三里主之 心下有鬲嘔血上腕主之 嘔血有
息脅下痛口乾心痛與背相引不可欬欬則腎痛不
容主之 唾血振寒嗑乾太淵主之 欬血大陵及
神門主之 嘔血上氣神門主之 內傷不足三陽
絡主之 內傷唾血不足外無膏澤刺第五會 凡
唾血寫魚際補尺澤

邪氣聚於下腕發內癰第八

黃帝問曰氣爲上鬲上鬲者食入而還出余已知之
矣蟲爲下鬲下鬲者食晬時乃出未得其意願卒聞
之岐伯對曰喜怒不適食飲不節寒溫不時則寒汁
留於腸中留則蟲寒蟲寒則積聚守於下腕守下腕
則腸胃克郭胃氣不營邪氣居之人食則蟲上食蟲
上食則下腕虛下腕虛則邪氣勝勝則積聚以留留
則癰成癰成則下腕約其癰在腕內者則沉而痛深
其癰在腕外者則癰外而痛浮癰上皮熱按其癰視

應經數寒邪客經絡之中則血泣血泣則不通不通則衛氣歸之不得復反故癰腫也寒氣化為熱熱勝則肉腐肉腐則為膿膿不寫則筋爛筋爛則骨傷骨傷則髓消不當骨空不得泄寫則筋骨枯空枯空則筋骨肌肉不相親經絡敗漏熏於五藏藏傷則死矣

寒氣客於經絡之中發癰疽風成發厲浸淫第九下

黃帝問曰病之生時有喜怒不測飲食不節陰氣不足陽氣有餘營氣不行乃發為癰疽陰陽氣不通而熱相薄乃化為膿小鍼能取之乎岐伯對曰夫致使身被癰疽之疾膿血之聚者不亦離道遠乎癰疽之生膿血之成也積聚之所生故聖人自治於未形也

愚者遭其已成也 曰其已有形膿已成為之奈何 曰膿已成十死一生 曰其已成有膿血可以少鍼治乎曰以小治小者其功小以大治大者其功大以小治大者多害大故其已成膿血者其惟砭石鉚鋒之所取也 曰多害者其不可全乎曰在逆順焉耳 曰願聞順逆曰已為傷者其白睛青黑眼小是一逆也內藥而嘔是二逆也腹痛渴甚是三逆也肩項中不便是四逆也音嘶色脫是五逆也除此五者為順矣

邪之入於身也深其寒與熱相薄久留而內著寒勝其熱則骨疼肉枯熱勝其寒則爛肉腐肌為膿內傷骨為骨蝕 有所疾前筋屈不得伸氣居其間而不

反發為筋瘤也 有所結氣歸之衛氣留之不得復
 反津液久留合而為腸一本本疽留久者數歲乃成以
 手按之柔 有所結氣歸之津液留之邪氣中之凝
 結日以易甚連以聚居為昔瘤以手按之堅 有所
 結氣深中骨氣因於骨骨與氣并息日以益大則為
 骨疽 有所結氣中於肉宗氣歸之邪留而不去有
 熱則化為膿無熱則為肉疽凡此數氣者其發無常
 處而有常名 曰病癰腫頸痛胃滿腹脹此為何病
 曰病名曰厥逆灸之則瘖石之則狂須其氣并乃可
 治也陽氣重上一本有餘於上灸之陽氣入陰入則
 瘖石之陽氣虛虛則狂須其氣并而治之使愈 曰
 瘖石之陽氣虛虛則狂須其氣并而治之使愈 曰

曰此同名而異等者也夫癰氣之息者宜以鍼
 除去之夫氣盛血聚者宜石而寫之此所謂同病而
 異治者也 曰諸癰腫筋攣骨痛此皆安在曰此皆
 寒氣之腫也八風之變也 曰治之奈何曰此四時
 之病也以其勝治其俞 暴癰筋濡一本本隨分而痛
 魄汗不盡胞氣不足治在其經俞腋癰大熱刺足少
 陽五刺而熱不止刺手心主三刺手太陰經絡者大
 骨之會各三 癰疽不得頃回癰不知所按之不應
 手乍來乍已刺手太陰傍三與纓脉各二 治癰腫
 者刺癰上視癰大小深淺刺之刺大者多而深之必
 端內鍼為故止也素問云刺大者多而血小者
 項腫不可俛仰頰腫引耳完骨主之 咽腫難言天

柱主之 頰腫唇癰顴竅主之 頰腫痛天窻主之

頭項癰腫不能言天容主之 身腫關門主之

胷下滿痛膺腫乳根主之 馬刀腫瘦淵掖章門支

溝主之 面腫目癰刺陷谷出血立已 犢鼻腫可

刺其上堅勿攻攻之者死 疽竅陰主之 厲風

者索刺其腫上已刺以吮其處按出其惡血腫盡乃

止常食方食無食他食 脉風成爲厲管疽發厲竅

陰主之 頭大浸淫間使主之 管疽商丘主之

疥蚌欲嘔大陵主之 痂疥陽谿主之

黃帝問曰願盡聞癰疽之形與忌曰名岐伯對曰癰

發於嗑中名曰猛疽不急治化爲膿膿不寫塞咽半

日死其化爲膿者膿寫已則合豕膏冷食三日已

發於頸者名曰天疽其狀大而赤黑不急治則熱氣

下入淵掖前傷任脉内薰肝肺熏則十餘日死矣

陽氣大發消腦溜項名曰腦燂其色不樂腦項痛如

刺以鍼煩心者死不治 發於肩及臑名曰疵疽其

狀赤黑急治之此令人汗出至足不害五藏癰發四

五日逆熇之 發於掖下赤堅者名曰米疽治之以

砭石欲細而長疎砭之塗以豕膏六日已勿裏之其

癰堅而不潰者爲馬刀挾瘦以急治之 發於胷名

曰井疽其狀如大豆三四日起不早治下入腹不治

七日死 發於膺名曰甘疽色青其狀如穀實瓜萇

常苦寒熱急治之去其寒熱不急治十歲死死後出

膿 癰發於脅名曰敗疵此言女子之病也灸之其

狀大癰膿其中乃有生肉大如赤小豆治之以蔞翹
草根及赤松子根各一升以水一斗六升煮之令竭
得三升卽強飲厚衣坐於釜上令汗至足已 發於
股脛一作名曰股脛疽其狀不甚變色癰膿內薄於
骨急治之不急治四十日死 發於尻名曰銳疽其
狀赤堅大急治之不治三十日死 發於股陰名曰
赤弛不治六十日死在兩股之內不治十日死 發
於膝名曰疵疽其狀大癰色不變寒熱而堅者勿石
石之者卽死須其色異柔乃石之者生 諸癰之發
於節而相應者不可治發於陽者百日死發於陰者
四十日死 發於脛名曰兔啮其狀如赤豆至骨急
治之不急治殺人 發於內踝名曰走緩其狀癰色

不變數石其俞而止其寒熱不死 發於足上下名
曰四淫其狀大癰不急治之百日死 發於足傍名
曰厲癰其狀不大初從小指發急治去之其狀黑者
不可消輒益不治百日死 發於足指名曰脫疽其
狀赤黑者死不治不赤黑者不死治之不衰急斬去
之不去則死矣

黃帝問曰何爲癰岐伯對曰營氣積留於經絡之中
則血泣而不行不行則衛氣歸之歸而不通擁遏而
不得行故曰熱大熱不止熱勝則肉腐肉腐則爲膿
然不能陷肌膚於骨髓骨髓不爲焦枯五藏不爲傷
故名曰癰 曰何謂疽曰熱氣純盛下陷肌膚筋髓
骨肉內連五藏血氣竭絕當其癰下筋骨良肉皆無

餘故名曰疽疽者其上皮天瘡以堅狀如牛領皮癰
 者其皮上薄以澤此其候也 曰有疽死者奈何曰
 身五部伏菟一膻靈樞二背三五藏之俞四項五此
 五部有疽死也 曰身形應九野奈何曰請言身形
 之應九野也左手一作應立春其日戊寅巳丑左胷
一作應春分其日乙卯左足應立夏其日戊辰巳巳
 膻一作應秋分其日辛酉右足應立冬其日
 巳未右胷一作應秋分其日辛酉右足應立冬其日
 戊戌巳亥腰尻下竅應冬至其日壬子六腑及鬲下
 五藏應中州其日大禁太乙所在之日及諸戌巳
 凡此九者善候八正所在之處主左右上下身體有
 癰腫者欲治之無以其所立之日潰治之是謂天

日也

五子夜半

五丑雞鳴

五寅平旦

五卯日出

五辰食時

五巳隅中

五午日中

五未日昃

五申晡時

五酉日入

五戌黃昏

五亥人定

以上此時得疾者皆不起

以上北報野疾皆不步

正酉日入 正亥黃昏 正亥人室

正午日中 正未日昃 正申報却

正卯日出 正辰食却 正巳郡中

正子亥半 正丑報息 正寅平旦

日出

鍼灸甲乙經目錄卷之十二

欠噦唏振寒噫噎躄泣出太息羨下耳鳴齧舌

善忘善饑

寒氣客於厥發瘖不得言

目不得眠不得視及多臥不安不得偃臥肉苛

諸息有音及喘

足太陽陽明手少陽脉動發目病

手太陽少陽脉動發耳病

手足陽明脉動發口齒病

血溢發衄

手足陽明少陽脉動發喉痺咽痛

氣有所結發癭瘤

婦人雜病

小兒雜病

血虛發熱

手足心熱

手足心冷

手足心熱

手足心冷

手足心熱

手足心冷

手足心熱

手足心冷

手足心熱

手足心冷

手足心熱

手足心冷

手足心熱

手足心冷

手足心熱

手足心冷

手足心熱

手足心冷

手足心熱

手足心冷

手足心熱

鍼灸甲乙經卷之十二

欠噦唏振寒噫噎嚔泣出太息羨下耳鳴

齧舌善忘善饑第一

黃帝問口人之欠者何氣使然岐伯對曰衛氣晝行

於陽夜行於陰陰主夜夜主臥陽主上陰主下故陰

氣積於下陽氣未盡陽引而上陰引而下陰陽相引

故數欠陽氣盡陰氣盛則目瞑陰氣盡陽氣盛則寤

腎主吹故寫足少陰補足太陽 曰人之噦者何曰

穀入胃胃氣上注於肺今有故寒氣與新穀氣俱還

入於胃新故相亂真邪相攻相逆復出於胃故為噦

肺主噦故補手太陰寫足太陰亦可以草刺其鼻嚏

而已無息而疾引之立已大驚之亦可已 曰人之

甲乙經 卷之十一
一
唏者何曰此陰氣盛而陽氣虛陰氣疾而陽氣徐陰
氣盛而陽氣絕故為唏者陰盛陽絕故補足太陽寫
足少陰 曰人之振寒者何曰寒氣客於皮膚陰氣
盛陽氣虛故為振寒寒慄補諸陽 曰人之噫者何
曰寒氣客於胃厥逆從下上散復出於胃故為噫補
足太陰陽明 一云補 曰人之噯者何曰陽氣和利
滿於心出於鼻故為噯補足太陽榮眉本 一云 曰
人之蹇者何曰胃不實則諸脉虛諸脉虛則筋脉懈
惰筋脉懈惰則行陰用力氣不能復故為蹇因其所
在補分肉間 曰人之哀而泣涕者何曰心者五藏
六府之主也目者宗脉之所聚也上液之道也口鼻
者氣之門戶也故悲哀愁憂則心動心動則五藏大

府皆搖搖則宗脉感宗脉感則液道開液道開故涕
泣出焉液者所以灌精濡空竅者也故上液之道
則泣泣不止則液竭液竭則精不灌精不灌則目無
所見矣故命曰奪精補天柱經俠頸俠頸者頭中分
也 曰有哭泣而淚不出者若出而少涕不知水所
從生涕所從出也曰夫心者五藏之專精也目者其
竅華色其榮是以人有德則氣和於目有亡憂知於
色是以悲哀則泣下泣下水所由生也衆精者積水
也 素問作 積水者至陰也至陰者腎之精也宗精之
水所以不出者是精持之也輔之裏之故水不行也
夫氣之傳也水之精為志火之精為神水火相感神
志俱悲是以日之水生也故諺言曰心悲又名曰志

悲志與心精共湊於目也是以俱悲則神氣傳於心
 精上下傳於志而志獨悲故泣出也泣涕者腦也腦
 者陽也素問隨者骨之克也故腦滲為涕志者骨之
 主也是以水流涕從之者其類也夫涕之與泣者譬
 如人之兄弟急則俱死生則俱生太素作出其志以
 早悲是以涕泣俱出而相從者所屬之類也 曰人
 哭泣而泣不出者若出而少涕不從之何也曰夫泣
 不出者哭不悲也不泣者神不慈也神不慈則志不
 悲陰陽相持泣安能獨來夫志悲者惋惋則冲陰冲
 陰則志去目志去則神不守精精神去目涕泣出也
 夫經言乎厥則目光無所見自涕之與泣者已下
漏今以素問夫人厥則陽氣并於上陰氣并於下
靈樞補之

陽并於上則火獨光也陰并於下則足寒足寒則脹
 夫一水不能勝五火故目盲是以氣衝風泣下而不
 止夫風之中目也陽氣內守於精是火氣燔目故見
 風則泣下也有以比之夫素問下疾風生乃能雨此
 之類也九卷言其形素問言曰人之太息者何曰
 憂思則心系急心系急則氣道約約則不利故太息
 以伸出之補手少陰心主足少陽留之 曰人之羨
 下者何曰飲食皆入於胃胃中有熱熱則蟲動蟲動
 則胃緩胃緩則廉泉開故羨下補足少陰 曰人之
 耳中鳴者何曰耳者宗脉之所聚也故胃中空空則
 宗脉虛虛則下溜脉有所竭者故耳鳴補客王人手
 大指甲上與肉交者 曰人之自齧舌者何曰此厥

甲乙經 卷之三十一 三十一
逆走上脉氣皆至也少陰氣至則自嚙舌少陽氣至則嚙頰陽明氣至則嚙唇矣視王病者補之 曰人之善忘者何曰上氣不足下氣有餘嗚胃實而心肺虛虛則榮衛留於下久不以時上故善忘也 曰人之善饑不嗜食者何也曰精氣并於脾則熱留於胃胃熱則消穀消穀故善饑胃氣逆上故胃脘塞胃脘塞故不嗜食善忘及善饑先視其府藏誅其小過後調其氣盛則寫之虛則補之 凡此十四邪者皆竒邪走空竅者也邪之所在皆爲不足故上氣不足腦爲之不滿耳爲之善鳴頭爲之傾目爲之瞑中氣不足溲便爲之變腸爲之善鳴補之足外踝下留之下氣不足則乃爲痿厥心悶急刺足大指上二寸留之 一曰補足外踝下留之

寒氣客於厥發瘖不能言第二

黃帝問曰人之卒然憂悲而言無音者何氣不行少師對曰咽喉者水穀之道路也喉嚨者氣之所以上下者也會厭者音聲之戶也唇口者音聲之扇也舌者音聲之機也懸癰垂者音聲之關也頑頰者分氣之所泄也橫骨者神氣之所使主發舌者也故人之鼻洞洩出不收者頑頰不閉分氣失也其厭小而薄則發氣疾其開闔利其出氣易其厭大而厚則開闔難其出氣遲故重言也所謂吃者其言逆故重之卒然無音者寒氣客於厥則厭不能發發不能下至其機扇機扇開闔不利故無音足少陰之脉上繫於舌

本絡於橫骨終於會厭兩寫血脈濁氣乃辟會厭之
脈上絡任脈復取之天突其厭乃發也

暴瘖氣硬刺扶突與舌本出血 瘖不能言刺腦戶

暴瘖不能言喉噤痛刺風府 舌緩瘖不能言刺

瘖門 喉痛瘖不能言天突主之 暴瘖氣硬喉痺

咽痛不得息飲食不下天鼎主之 飲食善嘔不能

言通谷主之 瘖不能言期門主之 暴瘖不能言

支溝主之 瘖不能言合谷及湧泉陽交主之

目不得眠不得視及多臥臥不安不得偃

臥肉苛諸息有音及喘第三

黃帝問曰夫邪氣之客於人也或令人目不得眠者

何也伯高對曰五穀入於胃也其糟粕津液宗氣分

為三隧故宗氣積於膈中出於喉嚨以貫心肺而行

呼吸焉營氣者泌其津液注之於脈化而為血以營

四末內注五藏六府以應刻數焉衛氣者出其悍氣

之慄疾而先行於四末分肉皮膚之間而不休息也

晝行於陽夜行於陰其入於陰也常從足少陰之分

間行於五藏六府今邪氣客於五藏則衛氣獨營其

外行於陽不得入於陰行於陽則陽氣盛陽氣盛則

陽臨滿不得入於陰陰氣虛故目不得眠治之補其

不足寫其有餘調其虛實以通其道而去其邪飲以

半夏湯一劑陰陽已通其臥立至此所以決瀆壅塞

經絡大通陰陽得和者也其湯方以流水千里以外

者八升揚之萬遍取其清五升煮之炊以葦薪火沸

煮秣米一升治半夏五合徐炊令竭為一升半去其
 粗飲汁一小盃日三稍益以知為度故其病新發者
 覆杯則臥汗出則已矣又者三飲而已 曰目閉不
 得視者何也曰衛氣行於陰不得入於陽行於陰則
 陰氣盛陰氣盛則陰蹻滿不得入於陽則陽氣虛故
 目閉焉九卷行作 曰人之多臥者何也曰此人腸
 胃大而皮膚澀九卷作澀下同則分肉不解焉腸胃大則
 胃氣行留久則皮膚澀分肉不解則行遲夫衛氣者
 晝常行於陽夜常行於陰故陽氣盡則臥陰氣盡則
 寤故腸胃大衛氣行留久皮膚澀分肉不解則行遲
 留於陰也又其氣不精一作精則欲瞑故多臥矣其腸
 胃小皮膚滑以緩分肉解利衛 之留於陽也又故

少臥焉 曰其非常經也卒然多臥者何也曰邪氣
 留於上焦上焦閉而不通已食若飲湯衛氣久留於
 陰而不行故卒然多臥 曰治此諸邪奈何曰先視
 其府藏誅其小過後調其氣盛者寫之虛者補之必
 先明知其形氣之苦樂定乃取之 曰人有臥而有
 所不安者何也曰藏有所傷及情有所倚則臥不安
素問作精有所倚則不安 故人不懸其病也 曰
 人之不得偃臥者何也曰肺者藏之蓋也肺氣盛則
 脉大脉大則不得偃臥 曰人之有肉苛者何也是
 為何病曰營氣虛衛氣實也營氣虛則不仁衛氣虛
 則不用營衛俱虛則不仁且不用肉加苛也人身與
 志不相有也三十日死 曰人有逆氣不得臥而有

音者有不得臥而息無音者有起居如故而息有音者有得臥行而喘者有不得臥不能行而喘者有不得臥臥而喘者此何藏使然曰不得臥而息有音者是陽明之逆也足三陽者下行今逆而上行故息有音也陽明者胃所也胃者六府之海也其氣亦下行陽明逆不得從其道故不得臥下經曰胃不和則臥不安此之謂也夫起居如故而息有音者此肺之絡肝逆不得隨經上行下故留經而不行絡脈之病人也微故起居如故而息有音也夫不得臥臥則喘者水氣客也夫水氣循津液而留素問作流者也腎者水藏主津液主臥與喘也驚不得眠善斷水氣上下五藏遊氣也三陰交主之不得臥浮郄主之身腫

皮膚不可近衣淫澤苛獲久則不仁屏翳主之

足太陽陽明手少陽脈動發口病第四

黃帝問曰余嘗上青霄之臺中陞而惑獨冥視之安

心定氣久而不解被髮長跪俛而復視之久不已卒

然自止何氣使然岐伯對曰五藏六府之精氣上注

於目而為之精精之裏靈樞作窠下同者為眼骨之精者為

瞳子筋之精為黑睛靈樞作黑眼血之精為其絡氣之精

為白睛靈樞亦作白眼肌肉之精為約束裏契二作筋骨血

氣之精而與脈竝靈樞作并為系上屬於腦後出於項中

故邪中於頭目逢身之虛其入深則隨眼系以入於

腦入則腦轉腦轉則引目系急目系急則目眩以轉

矣邪中之精則其精所中者不相比不相比則精散

精散則視岐故見兩物也目者五藏六府之精也營衛魂魄之所常營也神氣之所生也故神勞則魂魄散志意亂是故瞳子黑眼法於陰白睛赤脉法於陽故陰陽合搖靈樞作傳而精明也目者心之使也心者神之所舍也故神分精亂而不搖一作轉卒然見非常之處精氣魂魄散不相得故曰惑曰余疑何其然也余每之東苑未嘗不惑去之則復余惟獨為東苑勞神乎何其異也曰不然夫心有所喜神有所惡卒然相惑則精氣亂視誤故惑神移乃復是故問者為迷甚者為惑

目眥外決一作次於面者為兌眥在內近鼻者上為外眥下為內眥目色赤者病在心白色者病在肺青

色者病在肝黃色者病在脾黑色者病在腎黃色不可名者病在胃中診目痛赤脉從上下者太陽病從下上者陽明病從外走內者少陽病夫膽移熱於腦則辛頰鼻淵一作鼻淵者濁涕下不止傳為鼽

菅素問作翳目故得之氣厥

足陽明有俠鼻入於面者名曰懸顙屬口對入系目本頭痛引頷取之視有過者取之損有餘補不足反者益甚足太陽有通項入於腦者正屬日本名曰眼系頭目苦痛取之在項中兩筋間入腦乃別陰陽陽躡陰陽相交陽入陰出陰陽交於兌眥陽氣絕則瞑目陰氣絕則眠

目中赤痛從內眥始取之陰躡目中痛不能視上

星主之先取譏譎後取天牖風池 青盲遠視不明

承光主之 目瞶還視眈眈目光主之 日眈眈赤

痛天柱主之 目眩無所見偏頭痛引外眥而急額

厭主之 目不明惡風日淚出憎寒日痛目眩內眥

赤痛目眈眈無所見眥癢痛淫膚白膜覆瞳子日窻

青盲無所見遠視眈眈目中淫膚白膜覆瞳子日窻

主之 目不明淚出目眩瞽瞳子癢遠視眈眈昏夜

無見日瞶動與項口參相引喎僻口不能言刺承泣

目痛口僻戾^{一作}日不明四白主之 目赤黃額

窳主之 喎目水滿主之 目痛不明斷交主之

目瞶身汗出承漿主之 青盲瞶目惡風寒上關主

之 青盲商陽主之 瞶目日眈眈偏歷主之 眼

痛下廉主之 瞶目日眈眈少氣灸手五里左取者

右取左 目中白翳目痛泣出甚者如脫前谷主之

白膜覆珠瞳子無所見解谿主之

手太陽少陽脉動發耳病第五

暴厥而聾耳偏塞閉不通內氣暴薄也不從內外中

風之病故留瘦著也 頭痛耳鳴九竅不利腸胃之

所生也

黃帝問曰刺節言發蒙者刺府俞以去府病何俞使

然岐伯對曰刺此者必於白目^{一作}中刺其耳聽^{一作}中

其眸子聲聞於外此其俞也 曰何謂聲聞於外曰

已刺以手堅按其兩鼻竅令疾偃其聲必應其中

耳鳴取耳前動脉 耳痛不可刺者耳中有膿若有

乾擗抵一本作耳無聞也 耳聾取手少指太素云少指次

指爪甲上與肉交者先取手後取足 耳鳴取手中

指爪甲上左取右右取左先取手後取足 聾而不

痛取足少陽聾而痛取手陽明 耳鳴百會及頷厭

顛息天窻大陵偏歷前谷後谿皆主之 耳痛聾鳴

上關主之刺不可深 耳聾鳴下關及陽谿關衝掖

門陽谷主之 耳聾鳴頭領痛耳門主之 頭重頷

痛引耳中憺憺嘈嘈和窅主之 聾耳中癩洩癩洩

者若風聽會主之 耳聾填填如無聞憺憺嘈嘈若

蟬鳴頰頰鳴聽宮主之下頰取之譬如破聲刺此九

卷所謂發蒙者聾翳風及會宗下空主之 耳聾無聞

天空主之 耳聾嘈嘈無所聞天容主之 耳鳴無

聞肩貞及完骨主之 耳中生風耳鳴耳聾時邪陽

商陽主之 聾耳中不通合谷主之 耳聾兩顛顛

痛中者主之 耳焯焯渾渾無所聞外聞主之 卒

氣聾四瀆主之

手足陽明脉動發口齒病第六

診齩痛按其陽明之來有過者獨熱在左者左熱在

右右熱在上上熱在下下熱 臂之陽明有入齩齒

者名曰太迎下齒齩取之臂惡寒補之一作不惡寫

之靈樞名曰禾窅或曰大迎詳大迎乃是陽明脉所發則當云禾窅是也然而下齒齩又當取足陽明

禾窅大迎當試可知耳手太陽有八頰偏齒者名曰角孫上

齩齒取之在鼻與齩一作頰前方病之時其脉盛脉盛

則寫之虛則補之一曰取之出眉外方病之時盛寫

虛補 齒動痛不惡清飲取足陽明惡清飲取手陽
明 舌緩淡下頰悶取足少陰 重舌刺舌柱以排
鍼 上齒齲腫目窻主之 上齒齲痛惡風寒正營
主之 齒牙齲痛浮白及完骨主之 齒痛頰窵及
二間主之 上齒齲兌端及耳門主之 齒間出血
者有傷酸齒牀落痛口不可開引鼻中斷交主之
頰腫口急頰車痛不可以嚼頰車主之 上齒齲痛
惡寒者上關主之 厥口僻失欠下牙痛頰腫惡寒
口不收舌不能言不得嚼大迎主之 失欠下齒齲
下牙痛頰腫下關主之 齒牙不可嚼斷腫角孫主
之 口僻不正失欠口不開翳風主之 舌下腫難
言舌縱喎戾不端通谷主之 舌下腫難以言舌縱

涎出廣泉主之 口僻刺太淵引而下之 口中腫
臭勞宮主之 口中下齒痛惡寒頰腫商陽主之
齒齲痛惡清三間主之 口僻偏歷主之 口齒痛
溫溜主之 下齒齲則上齒痛掖門主之 齒痛四
瀆主之 上牙齲痛陽谷主之 齒齲痛合谷
主之又云少海主之 舌縱淡下頰悶陰交主之
暴痺內逆肝肺相薄血溢鼻口取天府此為胃之大
腧五部也 五部按靈樞云陽逆頭痛胃滿不得息取
人迎暴痛氣鞭刺扶突與舌本不出血暴聾
氣蒙耳月不仰取天髀暴拘攣癩瘡足不任身者取
天柱暴痛內逆肝肺相薄血溢鼻口取天府此為胃
之五大俞五部也今士安散作一 衄而止血
取足太陽大衄衄血取手太陽不已刺腕骨下不已

血溢發衄第七 鼻鼾息
肉著附

刺脰中出血

鼻軌衄上星主之先取譙譙後取天蹠風池 鼻管

疽發為厲腦空主之 鼻軌不利窒洞氣塞啞僻多

漢軌衄有癰迎香主之 軌衄洩出中有懸癰宿肉

窒洞不通不知香臭素窅主之 鼻窒口僻清洩出

不可止軌衄有癰禾邪主之 鼻中思肉不利鼻頭

額頰中痛鼻中有蝕瘡斷交主之 鼻軌不得息不

收洩不知香臭及衄不止水溝止之 衄血不止承

漿及委中主之 鼻不利前谷主之 衄腕骨主之

手足陽明少陽脉動發喉痺咽痛第八

喉痺不能言取足陽明能言取手陽明 喉痺完骨

及天容氣舍天鼎尺澤合谷商陽陽谿中渚前谷將

丘然谷陽交悉主之 喉痺咽腫水漿不下璇璣主

之 喉痺食不下鳩尾主之 喉痺咽如梗三間主

之 喉痺不能言温溜及曲池主之 喉痺氣逆口

啞喉咽如杵狀行間主之千金作 咽中痛不可內

食湧泉主之

氣有所結發癰瘻第九 瘻天窻一本作天容及臑會主之 瘻瘻氣舍主之

千金作天府 婦人雜病第十

黃帝問曰人有重身九月而瘖此為何病岐伯對曰

胞之絡脉絕也胞絡者繫於腎少陰之脉貫腎繫舌

本故不能言無治也當十月復治法曰無損不足溢

有餘以成其辜素問所謂不足者身羸瘦無用鑿石

也無益其有餘者腹中有形而泄之泄之則精出而病獨擅中故曰成辜 曰何以知懷子且生也曰身有病而無邪脉也

診女子手少陰脉動甚者妊子也乳子而病熱脉懸小手足温則生寒則死 乳子中風病熱喘渴素問作鳴肩息脉急大緩則生急則死

乳子下赤白腰俞主之 女子絕子陰挺出不禁白

瀝上窳主之 女子赤白瀝心下積脹次窳主之

腰痛不可俛仰先取缺盆後取尾翳 女子赤淫時

白氣癰月事少中窳主之 女子下蒼汁不禁赤瀝

陰中癢痛少腹控眇不可俛仰下窳主之刺腰尻交

者兩胛上以月死生為疔數發鍼立已 腸鳴泄注

下罪主之 婦人乳餘疾盲門主

寒熱短

氣臥不安膺憊主之 乳癰凄索寒熱

可按乳

根主之 絕子灸臍中令有子 女子手啣拘攣腹

滿疝月水不通乳餘疾絕子陰癢陰交主之 腹滿

疝積乳餘疾絕子陰癢刺石門千金云奔胞上腹堅痛下引陰中不得小

便判陰交 女子絕子衄血在內不下鬪元主之千金

入八分 女子禁中癢腹熱痛乳餘

疾絕不足子門不端少腹苦寒陰癢及痛經閉不通

中極主之 婦人下赤白沃後陰中乾痛惡合陰陽

少腹臍堅小便閉曲骨主之千金作屈骨 女子血不通

會陰主之 婦人子藏中有惡血逆滿痛石關主之

月水不通奔脫泄氣上下引腰脊痛氣穴主之

女子赤淫大赫主之 女子胞中痛月水不以時休

止天樞主之 千金云腹脹腸鳴 小腹脹滿痛引陰

中月水至則腰脊痛胞中痕子門有寒引髓髀水道

主之 千金云大小便不通刺水道 女子陰中寒歸來主之 女

子月水不利或暴閉塞腹脹滿瘞淫灑身熱腹中絞

痛癩疝陰腫及乳難子捨心若胞衣不出衆氣盡亂

腹滿不得反復正偃臥屈一膝伸一膝竝氣衝鍼上

入三寸氣至寫之 婦人無子及少腹痛刺氣衝主

之 婦人產餘疾食飲不下胃脅痞滿眩目足寒心

切痛善噫聞酸臭脹痺腹滿少腹尤大期門主之

婦人少腹堅痛月水不通帶脉主之 婦人下赤白

畏急瘕瘕五樞主之 妬乳大淵主之 千金云膈胃痛 絕

子而丘主之穴在內踝前宛宛中 女子疝瘕按之

如以湯沃其股內至膝殮泄灸刺曲泉 婦人陰中

痛少腹堅急痛陰陵泉主之 婦人漏下若血閉不

通逆氣脹血海主之 月事不利見血而有身反敗

陰寒行間主之 乳癰太衝及復溜主之 女子疝

及少腹腫澹泄瘞遺溺陰痛面塵黑目下眦痛太衝

主之 女子少腹大乳難嗑乾嗜飲中封主之 女

子滿血太衝主之 女子俠臍疝中封主之 大疝

絕子築賓主之 女子疝小腹痛赤白淫時多時少

蠡溝主之 女子疝瘕按之如以湯沃兩股中少腹

腫陰挺出痛經水來下陰中腫或癢漉青汁若葵羹

血閉無子不嗜食曲泉主之 婦人絕產若未曾生

產陰廉主之刺入八分羊矢下一寸是也 婦人無

子湧泉主之 女子不字陰暴出經水漏然谷主之

女子不下月水照海主之 千金去痺驚善悲不樂如墜墮汗不出刺照海

婦人陰挺出四肢淫灑身悶照海主之 月水不

來而多閉心下痛目眈眈不可遠視水泉主之 婦

人漏血腹脹滿不得息小便黃陰谷主之 千金云漏血小腹脹

滿如但體寒熱腹偏腫刺陰谷 乳癰有熱三里主之 乳癰驚痺

脛重足跗不收跟痛巨虛下廉主之 月水不利見

血而有身則敗及乳腫臨泣主之 女子不字難若胞

不出崑崙主之

小兒雜病第十一 嬰兒耳間青脉紀者

華先生中藏經

應靈洞主探微真人少室山鄧處中序

華先生諱佗字元化性好恬淡喜味方書多遊名山

幽洞徃徃有所遇一日因酒息于公宜山古洞前忽

聞人論療病之法先生訝其異潛逼洞竊聽須臾有

人云華生在邇術可付焉復有一人曰道生性貪不

憫生靈安得付也先生不覺愈駭躍入洞見二老人

衣木皮頂草冠先生躬趨左右而拜曰適聞賢者論

方術遂乃忘歸况濟人之道素所好為所恨者未遇

一法可以施驗徒自不足耳願賢者少察愚誠乞與

開悟終身不負恩首坐先生云術亦不惜恐異日與
子爲累若無高下無貧富無貴賤不務財賄不憚勞
苦矜老恤幼爲急然後可脫子禍先生再拜謝曰賢
聖之語一一不敢忘俱能從之二老笑指東洞云石
床上有一書函子自取之速出吾居勿示俗流宜秘
密之先生時得書回首已不見老人先生懾怯離洞
忽然不見雲奔雨瀉石洞摧塌旣覽其方論多奇怪
從茲施試效無不存神先生未六旬果爲魏所戮老
人之言預有斯驗余廼先生外孫也因吊先生寢室
夢先生引余坐語中藏經真活人法也予可取之勿

傳非人余覺驚怖不定遂討先生舊物獲石函一具
開之得書一帙廼中藏經也予性拙於用復授次子
思因以志其實甲寅秋九月序

